




萬國通鑑

卷一



天津社會教育館
辦事處內附設
圖書閱覽所

序

粵自聖王御宇道一風同良佐濟時民安物
阜其郵治隆平洵足傳於後代也是以堯舜
之仁湯武之義伊周之志管樂之功炳炳麟
麟登諸史冊以冀後世長民者有所法也他
若桀紂爲君昏庸無道操莽爲相跋扈不臣
亦筆之於書并期世之執政者知所戒也可
見累朝治亂之由歷代興衰之象居今稽古
若親目焉茲閱萬國通鑑益開眼界見所未

萬國通鑑

序

見聞所未聞如履平地而忽登高山如臨行
潦而放觀巨海所謂開卷有益者豈虛語哉
是書乃美國牧師謝公衛樓所著始言造天
地奠山川定三光分晝夜四時錯行不悖萬
物如話而成足徵獨一眞宰運用之權無可
限量化工之妙罔不包涵可知萬有之原非
由太極而生亦非由理氣而成者也次言元
祖方命獲罪株連後人歷千餘年生民加多
於地其心圖維恆惟作慝故天降洪水以滅

世時惟挪亞一家八人而得救焉。迨後閃含雅弗之裔生齒日繁，於示拿平原建邑築塔，以圖永聚，神淆其口音，散居徧處。今也各方各民原屬一體，而無爾我之分也。終言萬國建業之始，疆圉之分，沿革變遷之故，山川民物之名，卽荒陬僻壤之區，披髮赤裸之輩，舉全與所有者，莫不瞭若指掌，以資後學之人，廣其見聞，拓其心志也。夫西士東來，宣播真道，每於聖書而外，多所著作，非徒炫奇實爲傳道之一助耳。始事之初，囑余爲之筆述，爰筆錄而讀之，竊有快於心焉。因不揣鄙陋，贅此數語，以冠其篇云。

時維

光緒壬午八年清和月中澣之吉

北通州公理會子元趙如光拜撰

第一論亞當至洪水後事。○太初之時，真主創造天地萬物，既成，始造人一男一女，男名亞當，女名夏娃，主命其同居埃田園，享清閒快樂之福，又賜以權總理地上萬物，乃二人受魔鬼誘惑，違逆主命，主遂逐二人於園外，使男必勞苦得食，女必艱難生產，又定人命必有死期，及二人生子，長名該隱，次名亞伯，後該隱殺亞伯，主遂罰該隱，令飄流於埃田東挪得之地，後夏娃又生一子名設，設生以挪士，從此遂有多人敬奉真主，後因該隱與設之苗裔彼此結親，人心漸離真主，世代生亂，至一千七百餘年，真主懊悔造

人於世，欲降洪水淹沒之，當時惟挪亞一人信奉真主，遂受親命，造一方舟，且諭以將懲治世人，挪亞述主諭於人，人皆妄之，此後一百二十年，果大降洪水，將世人淹滅殆盡，獨挪亞一家並預置舟中之各等活物，獨存挪亞有三子，閃、含、雅弗，主與挪亞一家祝福，且許其父子生育衆多，盈滿地上，後挪亞苗裔移居於示拿平地，造一高臺，蓋欲顯其名，且免散處於四方也，此時主淆亂人之聲口，俾其析居天下，大約閃之子孫居於亞西亞大洲，含之子孫居於亞非力加大洲，雅弗之子孫居於歐羅巴大洲。

第二論洪水後生民度日。○洪水後生民析居各方，其居於曠野者，卽以牧養爲業，所居帳幕亦易遷徙，故謂之遊牧，其近山而居

者田獵其居於平原者耕稼若近海而居者造船在各海口貿易因此人多臨近海口建造城邑爲其便於交易也昔者僅知用本地土產換易他邦之物異日始用金銀銅鑄造成錢議定價值在各處貿易從此商賈日見興盛矣

第三論國度律法與分定人之等次○凡稱爲國者必須土地寬大尤須以文字禮儀爲本如各族苗人性本鄙野向無文字禮儀故無從溯其根原終不能成立國度凡人在世須有首領如一家必有家長數家爲村一村必有甲長若多村連絡卽成爲國國內必有國主若出師必有將帥兵敗之國漸漸消滅獲勝之國漸漸興起小國可成次國古時立國大畧如此若論國制却分三等有

萬國通鑑

卷一

二

以國主意旨爲律者如中國臣民俱遵皇帝之旨此意旨卽爲律法有國內向有本律本律係治國之大本凡日後立紀陳綱俱法乎此國主亦須遵守者

如英國向有本律惟議院官宗本律以擬新條國主却無權定律有民主之國向有本律黎民選人入院卽國主亦由民公選者如美國君臣皆由民公舉國內法度務期愜乎民心據古制多以國主意旨爲律法至今亞細亞洲內國律大畧如此歐羅巴洲之國多有本律與英國法度相同南北亞美力加洲之國多與美國法度相同○據古時國度分有尊卑俾其承襲先業不容升降一等爲祭司專理拜神獻祭惟其後裔可以承襲他人不容僭越二等軍士可以衛國三等農夫耕種田園四等百工作各等技藝五等

則牧養牲畜而已。據此法度實阻人上進之心。卑賤者縱有智能終無升進之望矣。所以人才寥落。國務難以變通。至今印度國仍有此等劣規。

第四論古時敬神之道。○洪水後人民析居各方。年湮代遠。漸忘創造天地萬物之真主。妄拜被造之日月星辰。山岳河海。風雲雷雨等物。惟猶太一國崇奉真主。兼有聖經代代相傳。詳言真主事蹟。確實可憑。至於他邦之人。不但妄拜被造之物。更有憑空設想。捏造各種邪神。並妄論邪神有如何之權。如何之位。如何之德。如何之榮。足可賞善罰惡。降禍加福。因此建立廟宇。修葺宮殿。以爲供奉土塑木雕金石銅鐵等像之所。朝夕跪拜不遑。昔羅馬希利

萬國通鑑

卷一

三

尼兩國之人。將上好果品。並宰殺之犧牲。均獻祭於神前。又有幾族苗人。殺人獻祭。蓋欲消神之怒。博神之歡。終以蒙其佑護也。卽如腓尼基。叙利亞兩國之人。雖有教化。却有殺人獻祭之惡風。有時將童男女烙死於摩洛偶像之懷中。以爲獻祭。因此拜神之惡俗。遂興起幻術。巫風。拘神。跳鬼等事。是使愚者更愚。昧者更昧。離主日遠。入罪愈深矣。雖是非之心。未曾盡滅。而人每悖理而行。驕肆欺詐。貪婪充滿。一心。竟不念事主之當然。身後之果報也。悲夫。

第五論東方人民居亞細亞大洲。○古有數大國在東方興起。始於內地交易負販。用駝運轉各貨。此後日中之市大開。而商賈蒸蒸日上。故建大城大邑。皆如五都之市焉。不但懋遷有無。可以通

商卽制度道理文字亦流傳於他國按東方各國先得上主真道後乃傳至泰西諸國然東方之國雖有正道亦多興起異端甚有以主道爲虛自甘廢棄以異端爲實至今奉崇因此代代相傳不知誣人多少矣

萬國通鑑

卷一引



歐西人等是矣

且主道誠實言計預流均堪爲實至平奉崇因此外邦感慕
於代辨正泰西諸國然東方之國雖有正道亦多興起異端甚有
以主道爲虛自甘廢棄以異端爲實至今奉崇因此代代相傳不

萬國通鑑第一卷東方國度目錄

第一章論中國事畧

第二章論蒙古事畧

第三章論日本國事畧

第四章論印度國事畧

萬國通鑑

卷一 目錄

第一章論中國事畧

第二章論日本國事畧

第三章論蒙古事畧

第四章論印度事畧

萬國通鑑第一卷東方國度目錄

第一卷東方國度

第一章論中國事畧

第一段上古開國之事 三皇紀畧○按聖經挪亞以後眾人建造巴別臺之時上主淆亂其口音使各族人民散居四方主之意旨蓋欲其生育繁多充滿宇宙也越數百年有人居伊及居印度又有附近伯辣河兩邊之平原創立國度者亦有東徙於黃河之西東建國者當時未有文字簡編故確實事蹟至今無傳乃有後人憑空結撰造出許多荒渺無稽之談虛誕不經之事故孔子刪書斷自唐虞大概於開國之始已有數等技藝又能殷勤作工是以漸漸興盛竟成大族

中國

卷一

接俗傳云盤古氏始分天地壽一萬八千歲死後其血肉肢體化作萬物嗣後有三皇氏壽各一萬八千歲天皇造支干定年日地皇定三光分晝夜人皇相山川之形勢分爲九州定君臣名分興立政事嗣後有有巢氏構木爲巢教民巢居避禽獸之害有燧人氏鑽木取火教民熟食當時尙無文字多結繩記事後有史皇氏曰倉帝名頡創造文字

第二段論五帝紀畧○五帝者何古人傳信不同鑑書多遵孔子所作易經大傳稱伏羲神農軒轅堯舜爲五帝

太昊伏羲氏風姓生於成紀即今陝西鞏昌府秦州建都於陳即今河南開封府陳州

始教民田獵捕魚牧養牲畜以供食用又作樂器定國律定嫁娶

在位百十有五年卒於陳

炎帝

炎帝神農氏姜姓生於姜水即陝西鳳翔府寶雞縣建都於陳遷於曲阜即山東兗州府曲阜縣

造農器教民稼穡嘗藥草療人疾病設立廛市使人貿易在位百四十年而崩其子嗣位傳八世至榆罔為黃帝所滅

黃帝

黃帝軒轅氏姓公孫有熊國君之子聰明睿智超越凡眾因榆罔

不法蚩尤作亂敗榆罔於阪泉阪泉在直隸保定府殺蚩尤於涿鹿涿鹿即涿州

天下諸侯咸尊黃帝為天子嗣神農氏治天下分田制畝使民有常業命元妃教民種桑養蠶衣服足用命大撓作甲子以

定時節接六十年為一轉使隸首定算法尺秤升斗俱有準則在

位百年壽一百十有一歲而崩

卷一

二

少昊

少昊金天氏姓已名摯黃帝之子都曲阜在位八十四年壽百歲

崩

顓頊

顓頊高陽氏姓姬黃帝之孫都帝丘今山東東昌府濮州在位七十八年壽

九十八歲崩

帝嚳

帝嚳高辛氏姓姬少昊之孫都亳今河南河南府偃師縣在位七十年壽九

十九歲崩子摯嗣位按帝元妃生后稷其後為周次妃生契為舜

司徒其後為商三妃生堯四妃生摯

帝摯尸位九年荒淫無度不修善政諸侯廢之而立堯

堯帝陶唐氏姓伊耆名放勳生於丹陵長於耆今山西太原原府祈縣年十有

六由諸侯陟帝位建都在平陽今山西平陽府使羲和作歷書以閏月定

堯堯先二千二百五十七

四時成歲，在位六十一年，有洪水之災，堯使鯀治水，九載績用弗成，七十年堯召舜為臣，妻以二女，又使舜攝行相事，舜用鯀之子

禹治水，八年功成，民得平土而居，遂分定九州。荆梁雍豫徐揚青兗冀至七

十三年，堯讓舜總理國政，舜相堯二十有八載，堯帝在位百年，壽

一百十有六歲，乃殂落，葬於陽城。今河南府登封縣

舜帝有虞氏，姓姚，名重華，生於諸馮。在冀州地方素以大孝著聞，相堯

到治二十有八載，堯之子丹朱不肖，堯薦舜於天，堯崩，遂踐位於

蒲阪。今山西平陽府蒲州封朱於丹邑，以奉先祀，作賓於虞廷，命九官。禹稷契皋

陶垂益伯夷糞龍各有專責，每三年考績，黜陟分明，又樂受臣民諫勸之

言，不遺芻蕘，後使禹作百揆，總理國政，在位五十年，壽一百十歲

中國 卷一 三 而崩，葬於蒼梧。湖廣永州甯遠縣或云卒於鳴條

第三段論夏朝紀畧。夏朝首君稱為禹王，姓姒，名文命，相舜治

世十七年，大有功德，舜之子不肖，舜薦禹於天，舜崩，遂踐位在安

邑。今山西平陽府安邑縣禹好善言，惜光陰，慕仁義，輕珍寶，當時有儀狄善

作酒，禹飲而美，遂遂儀狄，絕旨酒，曰：後世必有以酒亡其國者。在

位八年，壽百歲而崩，葬於會稽。浙江紹興府會稽縣嗣子啟繼位，在昔堯舜

傳賢，稱為官天下，禹始傳子，遂為家天下，蓋因大禹勳名丕著，德

教誕敷，且啟賢能，敬承繼禹之道，故四海歸心，臣民咸願立啟為

嗣王，啟在位九年崩，子太康嗣位，沉於酒，荒於獵，怠慢國政，在位

二十九年，逆臣有窮后羿，因其出獵，以兵距於河，不能歸，立其弟

...

耶蘇先二千二百五十年

一書主

仲康爲君在位十三年而崩子相嗣位懦弱無能被羿奪篡自立

爲君重用寒泥羿篡立七年爲寒泥所殺當時相居商邱今河南高邱縣

寒泥率兵滅相相之王后懷孕逃至有仍生子少康因畏寒泥隱

姓名爲仍君司牧養之事寒泥風聞之遂設法欲獲而殺之少康

逃於有虞虞君妻以二女使居於綸少康遂收合遺民至四十歲

時與舊臣靡率兵剿滅寒泥在位二十二年而崩其子杼嗣位亦

善治國以後有槐芒泄不降扁厘孔甲皐發九王在位至發之子

桀王癸在位時淫樂無道厚斂民財放縱私欲殺害忠良因此臣

民咸怨請湯王興兵征之放桀於南巢遂改國號爲商接夏朝傳十七年

四百三十九年

中國

卷一

四

湯王

耶穌先一千七百六十六年

第四段論商朝紀畧○商朝創業之君是爲湯王子姓名履始臣

於夏曾被桀囚於夏臺旋釋之當時有田獵者用四面網羅掩捕

禽獸湯使人開其三面故漏網者甚多因此天下諸侯皆曰湯既

愛物更能愛人咸率其所屬臣民而歸心焉後伐桀救民踐天子

位建都於亳任用伊尹爲相按古傳當時有七年之旱湯至桑林

以身代牲獻祭上帝禱曰勿爲我一人之罪累及萬民且以六事

自責言未已遂降大雨渥沛數千里禾稼皆稔天下大悅因作大

濩之樂且於所用各等器皿上銘刻警戒之詞在位三十年壽百

歲而崩子太丁死亡伊尹相太丁之子太甲嗣位伊尹明言湯王

之德以訓太甲乃太甲不明厥德顛覆典型伊尹放太甲於桐而

自攝國政以朝諸侯太甲居桐三年自怨自艾處仁遷義伊尹乃以冕服迎奉太甲歸於亳太甲增修厥德仁愛百姓在位三十三年而崩子沃丁嗣位沃丁八年伊尹薨以天子之禮葬之沃丁之後傳十五世至盤庚遷都於殷在河南府偃師縣改國號曰殷商祚復興後有武丁亦稱賢聖之君末至紂王辛卽位沉湎言色設立重刑寵幸妲己殘害賢良會脯鄂侯醢梅伯囚姬昌於羑里剖比干之心用炮烙之刑又斲朝涉之脛剝孕婦之腹暴虐已極天下咸怨當時三分天下叛紂而歸文王者已有其二而文王仍率之以服事殷時文王爲西伯專征伐及薨其子武王發率兵伐紂紂自燔於朝歌武王遂翦商自立改國號曰周按史書商朝歷傳六十八王共六百四十四年

中國

卷一

五

武王
耶蘇先一千一百二十二年

第五段論周朝紀畧○周朝開創之時治天下者文王定天下者武王武王名發聞紂王暴虐已甚卽通告諸侯會同伐紂紂率十七萬之衆以禦之而衆皆倒戈紂不得已衣美衣懷珠玉自燔而死武王遂散鹿臺之財發鉅橋之粟大賚天下封紂子武庚爲諸侯以奉先祀又封同姓兄弟與異姓勳臣各君一國後稱爲列國又後稱爲戰國當武王伐紂之時又有孤竹君之二子伯夷叔齊叩馬而諫及武王克商夷齊恥食周粟餓斃於首陽山今山西平陽府蒲州武王乃由豐遷都於鎬立徹法天下咸悅國家大興在位十四年壽九十有三而崩葬於咸陽今陝西咸陽縣武王之子成王誦嗣位周公爲相總攝國政制禮作樂蠻夷率服有越裳氏來朝失迷歸路周

晉王

齊王

平王

平王

春秋

公作指南車，期年而還本國。先武王封武庚，時使管叔監其國。時管叔以其國叛，周公誅之，乃封微子於宋，成王崩，子康王釗嗣位，大有才德，天下畏服。後傳至厲王胡，暴虐無道，國人逐之於彘。其子宣王靜嗣位，大有才能，周室稱中興焉。及崩，其子幽王涅嗣位，以申女為后，生太子宜臼。後得褒姒，寵之，生子伯服，遂棄申后，立褒姒為后。棄宜臼，立伯服為太子。宜臼奔申，今河南府鄧州褒姒不好笑，幽王多設法以購其笑，不得。當時幽王與列國諸侯約定，儻有不虞，則以烽火告警。諸侯即來援救。幽王欲使褒姒笑，無故舉烽火，諸侯皆奔至京都，褒姒大笑。此後申侯約犬戎作亂入都，又舉烽火，諸侯無一來援者。犬戎殺幽王，擄褒姒。申人立太子宜臼嗣位。

中國

卷一

六

是為平王，遷都於洛陽。周道寢衰，又傳二十二世，雖無昏暴過甚之主，亦無英明特出之君。常有弑父弑君，爭城爭國等禍。而周天子有若無焉。此皆東遷後所釀之禍也。至東周君踐位時，秦王使呂不韋滅周，周遂亡。按史書周歷傳三十五年，王共八百七十三年。

第六段論春秋戰國事畧。○按古傳，魯國史書名為春秋。當孔子時，天子威權不振，賞罰不行於列國。孔子將魯史所載列國君臣事蹟，加以褒貶，遂成千載定評。故亦稱孔子時為春秋。初周公封於魯，因輔成王不得適國，長子伯禽代之。是為魯公。後傳至幽公，被其弟濇弑之自立。或謂濇弑之，亂即由此始。遞傳至隱公，亦被弟弑而自立。是為桓公。後被齊襄公使人殺之於齊。立桓公長子同，是為莊公。

傳閱公被孟孫慶父弑之，閱公無子，其庶兄申嗣立，是爲僖公。歷傳文公、宣公、成公、昭公，在昭公時，有孟孫叔孫季孫三家專權，昭公遣兵攻伐三家，兵敗出奔，及薨，其弟宋嗣立，是爲定公。當定公之年，孔子曾爲魯司寇，三月大治，夜不閉戶，路不拾遺，齊聞之而懼，遂用妨賢之計，以女樂饋魯，季桓子私迎郊外，受之，三日不朝。孔子行，此後定公薨，哀公立，孔子作春秋，一字之褒，榮於華袞，一字之貶，嚴於斧鉞，故亂臣賊子懼。哀公三傳爲穆公，穆公四傳爲平公，至傾公魯滅。

戰國

戰國時有齊、宋、晉、楚、鄭、曹、蔡、陳、衛、吳、越、燕、趙、魏、韓、秦等國，時有征伐，侵吞，彼此戰爭，尙遊說之士，重善戰之臣，五霸迭興，七雄並出。

中國

卷一

七

五霸是齊桓公、晉文公、秦穆公、楚莊王、宋襄公、七雄是齊、楚、燕、韓、趙、魏、秦七國。其後秦吞六國，遂成一統。

三帝
三先
百
九

第七段論秦朝紀畧。秦莊襄王滅周，其子政遷都於咸陽，侵吞敵國，始成一統，自以爲勳猷功烈兼乎三皇五帝，遂改王號爲皇帝，且自號爲始皇帝，意欲傳天下於子孫，至於千世萬世也。遂分天下爲三十六郡，遣大臣鎮守，始皇亦時常巡狩，鑿涇河，修棧道，建阿房，築長城，橫亘四千餘里，東至海，西至臨洮，以防胡人，始皇自恃才智，遂師心自用，但願民知秦法，遵行無失，惟恐人明古制，易彰已過，所以焚書坑儒，暴虐不道，太子扶蘇諫之，怒，因遣扶蘇於上郡，陝西延安府與蒙恬同防胡人，然而中華地廣人繁，尙有殘簡遺編，傳至於今，始皇崩，扶蘇不知，閩人趙高與丞相李斯同謀，用

偽詔賜扶蘇死於上郡，立次子胡亥，是爲二世皇帝。後爲高所弑，立二世兄子嬰。漢高祖入關，嬰出降，秦亡。

第八段論西漢朝紀畧。漢高祖劉邦，楚人也。初爲泗水亭長，即

現今保甲，因爲始皇營造墳墓，劉邦督送徒役赴工。徒役不欲遠行，作

苦，在路多逃，邦遂遣散餘眾，已亦將逃。避內有勇士不肯散去，願

隨從劉邦，遂共入沛，立劉邦爲沛公。得蕭何、曹參爲相，後楚懷王

命沛公率兵伐秦，又與眾將誓曰：先入關中者爲王。沛公先入，當

時項羽最強，聞沛公先入，大怒，攻破沛公，遂入關中，屠咸陽，殺子

嬰，焚宮室，自號爲西楚霸王，分封諸將。封沛公爲漢王，都南鄭。今

中府南鄭縣項羽爲人殘忍，不得民心，且弑楚懷王，故漢王興兵討之。

雖漢王屢敗，終圍項羽於垓下，羽逃至烏江，自刎而死。漢王遂踐

天子位，立國號曰漢。建都於關中，是爲高帝。任用賢臣，惠愛百姓，

除秦苛政，人民咸悅。天下無不歸服。在位十二年而崩，子盈嗣位，

是爲惠帝。在位七年而崩，無嗣。呂太后臨朝專權，當高帝臨崩時，曾

有遺命曰：非劉氏不得封王。呂后竟分封諸呂爲王，劉氏幾至滅

絕。越八年呂后卒，諸呂作亂，舊臣周勃、劉章滅之。諸大臣共立高

帝三子恆嗣位，是爲文帝。在位二十三年而崩，子啟嗣位，是爲景帝。

按文景二帝皆節儉勤政，禮賢務農，故財豐物阜。天下承平，景帝

崩，子徹嗣位，是爲武帝。爲人好奢侈，貪遠功，遣大將衛青、霍去病

帝

帝

帝

帝

帝

帝

帝

帝

帝

帝

帝

帝

帝

帝

帝

帝

帝

帝

帝

帝

卷一

昭帝

昌邑王

宣帝

孔子之道代代相傳，雖經秦火之後，簡編多有殘缺，而儒道猶復彰彰於今也。或云武帝大有功於儒教焉，惜聽術士誕妄之言，親祭竈神，又遣術士赴蓬萊島求神仙，後又有公孫卿言仙人好居高樓，遂遣人建造許多臺觀，候神仙至，帝又親自泛海，遍求神仙，諸臣諫之不聽，方行海上，遇大風，黑暗如夜，海水翻騰，武帝方悟被術士所惑，遂除術士。越二年，武帝崩，子弗陵嗣位，是為昭帝。凡武帝有不便於民者，盡除之，且問民間疾苦，大施賑濟，崩後無嗣，大臣霍光奉皇后旨，迎昌邑王賀嗣位，因其狂妄恣肆，霍光奏明皇后廢之，復立武帝之曾孫病已，更名曰詢嗣位，是為宣帝。為人節儉慈惠，信任霍光，光自武帝時為臣，自此歷任三朝，帝命光專

中國

卷一

九

理國政，光之子禹與光之諸弟兄皆享高爵厚祿，天下未有不畏之者，光妻又欲以女為后，因許后有娠，乃使女醫涓子衍將許后毒死，宣帝立霍光之女為后，光死後，霍氏親黨謀反，全族皆夷，並廢霍后，后自盡，宣帝尊崇儒道，命博士在石渠閣講論經傳，帝又好神仙，聽方士言益州有金馬碧雞等神，因欲遣大臣王褒赴益州求之，益州即興南雲南府京兆尹張敞諫帝，宜專行帝王之道，逐方士，從此求仙之事乃止。帝崩，傳元帝，成帝，成帝重用母家內戚，故王氏

成帝

平帝

新莽

得專國權，至平帝王莽專權，帝為其所弑，當平帝元年時，在猶太國耶蘇降生，論王莽年少之時，善於沽名釣譽，節儉持己，謙恭下士，先為新都侯，加封安漢公，又將其女納於平帝為后，凡不順己

者皆殺之故當時所殺官吏有數百之多弒平帝立孺子嬰嬰年甫二歲莽為相當時有分封諸王與海內豪傑起義兵而討莽賊者皆敗績後莽廢孺子嬰而篡其位改國號為新篡位十八年為漢宗

室劉秀所滅遷都於洛陽名曰東漢

第九段論東漢事畧○東漢光武皇帝之初前漢奸雄多有自號

光武帝
耶穌後二十
五年

為王自立為帝者光武帝智勇兼備起兵往各處征討不敢少享安逸專以克服敵人丕承祖業為要所以竟成大志及天下承平

明帝

帝不重用勳臣巨室而尊崇博學鴻儒之有經濟者故設立太學論說五經則漢室中興天下共慶昇平焉及崩子莊嗣位是為明帝最重儒學所以由皇太子以至王公侯伯並諸大臣之子弟皆

中國 卷一

學習五經又為外戚諸子弟在南宮立學選擇品端學優堪作人

師者以訓誨之即羽林軍士亦皆明孝經章句匈奴亦遣子至中

國入學從此文教大振蒸蒸日上矣明帝在位時聞西域有神名

佛即遣人往天竺即印度國尋求佛道得佛書請沙門中國始有佛教

此後繪佛像建佛寺而流毒無窮矣按明帝在位外夷之稱臣納

貢者約百餘國及崩子烜嗣位是為章帝曾親詣孔子宅命博士

講經又設立白虎觀命博學文士同集講論五經帝辦國政多從

寬厚後因寵用外戚而竇憲竇篤得權在帝前進讒言帝信之遂

殺忠臣梁竦竇憲又侵奪沁水公主田園沁水在山西澤州府沁水縣公主明帝女也

帝訊之憲無辭以對帝怒甚斥之曰公主之貴爾尚敢侵奪庶民

鄧帝

更無諭矣遂罷其官帝崩子肇嗣位是為和帝年甫十歲太后垂簾聽政復用竇憲憲益肆行無忌陰使人刺殺都鄉侯

順天府暢澤州

害良吏暴小民竇氏兄弟幾滿於朝乃同謀叛逆帝知之使闕人

鄭眾殺竇憲凡竇氏之在朝者皆罷其官帝崩幼子隆嗣位是為

殤帝

殤帝帝生百餘日在位八月而崩鄧太后迎清河王之子名祐者

安帝

嗣位是為安帝為人柔闇無人君之威權柄多歸於閹寺鄭眾等

順帝

帝崩子保嗣位是為順帝為人慈祥遐邇悅服惜不能裁徹閹寺

沖帝

之權東漢之衰自此始矣後歷沖帝質帝桓帝閹寺之權日熾桓

桓帝

帝崩無子立解瀆亭侯之子宏嗣位是為靈帝寵任閹寺殘害忠

靈帝

良義士帝崩子協嗣位是為獻帝有丞相董卓專權逼令帝遷都

中國

卷一

十一

於長安卓將洛陽宮殿宗廟全行焚燬又掘歷代先帝之墓取其

殉葬珍寶獻帝先至長安卓尙未至帝將執政之權賜於王允允

深惡董卓為謀篡逆臣不敢露其意外貌反諂媚之卓未之知也

反深信王允後王允與呂布謀遂誅董卓是時天下大亂有袁紹

袁術孫策劉表劉焉等各據一方起兵相爭更有董卓舊日之屬

將李傕郭汜攻伐長安刺殺王允後二將又互相攻擊獻帝使人

與伊等議和於是張揚楊奉韓暹接奉獻帝還都洛陽楊奉韓暹

彼此爭功擾亂國政大將軍董承憂之乃詔曹操入都操帶本部

兵馬至洛陽從此將賞罰之大權盡歸於操操即逼帝遷都於許

昌今河南開封府許州操自封為魏王董承即與劉備等同謀殺操其事敗

昭烈帝

耶穌後二百二十一年

露卽殺滅董承戰敗劉備時董承女在宮爲貴人亦被操所殺伏皇后大懼密詔伊父滅操事亦敗寧操卽帶劍入宮弑皇后並皇子二人其不臣之心於斯爲極矣操死後其子丕廢獻帝爲山陽公篡漢踐天子位改國號曰魏是爲文帝按史記獻帝在位三十一曹操自封爲魏王之時有孫權據江東今江蘇劉備據西蜀今四川爲蜀國時稱爲魏蜀吳三國此時曹丕雖篡而後世之論史者多以西蜀爲正統因劉備係漢朝宗室仍可興朝立政漢室不滅所以稱西蜀爲後漢焉

第十段論後漢三國事畧○後漢劉備建都於西蜀是爲昭烈帝曾與關羽張飛結爲兄弟同心協力扶助漢室羽飛大有忠義勇

中國

卷一

十一

後帝

敢又有諸葛亮運籌帷幄韜畧越衆多出奇計良謀遂有荆襄巴蜀之地後因孫權襲取荊州殺關羽帝率師討之爲吳將陸遜所敗遂因忿得疾而崩子禪嗣位是爲後帝封丞相諸葛亮爲武鄉侯時有苗蠻背叛亮帶兵南征生擒苗長孟獲凡七擒七縱此後苗黨畏服永不敢叛帝又命亮伐魏多立戰功亮薨遺表舉用蔣琬姜維人心咸服因後主寵用宦官黃皓舊日典刑漸漸廢弛至後帝四十一年魏大臣司馬昭遣鄧艾等襲蜀帝降魏廢爲安樂公後漢遂滅

魏吳二國紀畧

魏主曹丕篡獻帝位自立爲帝傳明帝並齊王芳齊王芳時司馬

懿之子師專政廢芳而立髦髦後為司馬師之弟昭所弒立瑁為君在位六年被司馬昭之子炎篡位廢瑁為陳留王魏遂滅

吳王孫權承其父堅其兄策之基業其將周瑜曾以火攻敗曹操之兵後又襲荊州又攻敗劉備之師遂自立為帝殂後子亮嗣位

被孫琳廢為會稽王立亮之弟休踐位是為景帝後至烏程侯皓為帝時暴虐無道晉師伐之遂降吳滅按史記三國蜀先亡魏次之吳又次之晉遂成爲一

統矣

武帝

耶酥後二百六十五年

第十一段論晉朝紀畧○晉主司馬炎河南人司馬懿之孫司馬

昭之子也自其祖父已掌魏權至炎篡魏而稱帝改國號為晉是為武帝在昔漢魏兩朝使歸降之匈奴移居內地曹操分南匈奴

中國

卷一

三

為五部時武帝寵用匈奴人劉淵封為左部將帥至惠帝時五部

胡人背叛天下大亂矣帝自滅吳後怠慢政事荒於遊宴絕無遠謀及崩子衷嗣位是為惠帝性情愚憨其后賈氏極其悍毒並欲專權執政太后之父楊駿阻之賈后怨甚因誣楊駿謀叛太后欲

殺駿賈后並誣太后與楊駿同謀遂殺駿廢太后為庶人賈后暴虐日甚又殺王大臣亮璿瑋等殺太后與舊太子適後賈氏被趙

王倫廢為庶人復殺之倫篡帝位幽惠帝於金墉城時齊王閔成

都王穎河間王顥長沙王又會同伐倫倫敗績被殺迎惠帝復位後諸王分門結黨互相爭伐至終皆相繼滅絕五胡劉淵等遂乘

機作亂晉之土地盡成戰場矣在位十七年中毒而崩無子弟熾

懷帝

嗣位是為懷帝時劉淵自立為帝國號大漢越二年卒其子劉聰

嗣立聰之將帥劉曜石勒王彌等屢次叛亂後帝被石勒擄去送

至平陽為劉聰所弑懷帝之任業知懷帝遇害即踐帝位於長安

愍帝

是為愍帝在位四年漢將軍劉曜率兵困長安帝無力禦敵遂降

聰封帝為懷安侯後亦被殺越二年司馬懿曾孫瑯琊王覲之子

元帝

睿踐天子位於建康今江南江甯府是為元帝伊時羣雄並起各據一方

長淮以北非復晉之土地矣漢主劉聰之宮殿大遭火災聰之子

焚死者二十一人未幾聰亦病死其子粲嗣位靳準弑之而自立

石勒率兵代準劉曜遂踐漢帝之位改國號為趙論元帝在位時

以王導為丞相導弟敦有篡志帝令戴淵等率兵備之敦遂背叛

中國 卷一 西

明帝

佔據石頭城殺戴淵周顛帝憂忿成疾而崩子紹嗣位是為明帝

王導受元帝遺詔襄理國政明帝初與庾亮溫嶠等為友於是王

導庾亮溫嶠等同謀討敦時敦已死仍掘其墓戮其尸帝崩

廢帝

子行嗣位是為成帝王導庾亮同心贊襄有臣蘇峻素懷叛逆

之志亮恐其為亂因下詔命峻來京峻遂反分兵困陷姑孰今江南

宣城今江南甯國府直入臺城即建康之宮殿逼帝遷都於石頭城峻自恃權

勢擅封與伊同叛之人王導暗令張閭奉太后詔書傳諭蘇州鎮

江湖州等處將帥同興義師討峻於是吳國即蘇州府內史蔡謨義興

太守顧眾等皆帶兵渡江與陶侃會兵直攻石頭城峻

大懼後與陶侃溫嶠戰於石頭城外馬躡被斬峻弟蘇逸代領賊

康帝

哀帝

簡文帝
孝武帝

恭帝

恭帝

衆後亦被殺。按成帝在位時，石勒弑趙主劉曜，自立爲趙王。人稱爲後趙。又有匈奴慕容皝自立爲燕王，建都在柳城之北，龍山之

西。今直隸永平府之西。帝崩，立弟瑯琊王岳，是爲康帝。康帝傳穆帝，論穆帝

嗣位時，年甫三歲。褚太后垂簾聽政，信任桓溫，故內外大權皆歸

於溫。帝崩，傳位於哀帝。哀帝崩，亦無子。太后詔立東海王奕嗣位。

時桓溫已率師滅蜀，據李勢，威權日盛，遂隱有不臣之志。嘗歎曰：

大丈夫不能流芳百世，亦當遺臭萬年。後與燕王慕容垂戰於枋

頭。直隸大名府滹縣。敗績，聲名少減，以爲可恥。遂廢奕，迎立元帝少子會

稽王昱嗣位，是爲簡文帝。從此桓溫權勢震動中外，朝廷百官咸

畏之。帝但守虛位而已。帝崩，太子昌明嗣位，是爲孝武皇帝。桓溫

中國 卷一 五

死，其弟桓冲襲其位，爲國盡忠。又有謝安爲相，亦盡心輔政。時羣

雄中惟秦國符堅最强，率兵數十萬以伐晉。晉人大懼，謝安不動

聲色，令其姪謝元率師禦之。後果破敵，人心始安。帝久居宮內，不

理政事，有張貴人得寵過甚，後宮人皆不如焉。張貴人年近三十，

帝戲之曰：若以年論，汝可廢矣。吾當更寵少艾。少間，帝醉寢，貴人

使婢以被蒙面而弑之。重賂左右，詐曰：因魔暴崩。太子德宗卽位，

是爲安帝。在位時，曾被桓溫之庶子桓元廢爲平固王。元自立爲

帝。宋公劉裕伐之，元敗績而奔。馮遷殺之，帝復位。劉裕遂得大權。

總攝政事，並統管各處軍兵。後劉裕使王韶之縊死安帝，立安帝

之弟瑯琊王德文卽位，是爲恭帝。在位二年，仍被劉裕篡弑。東晉

之弟瑯琊王德文卽位，是爲恭帝。在位二年，仍被劉裕篡弑。東晉

武帝

耶蘇後四百二十餘

滅亡按史記晉傳十五帝共計一百五十六年

第十二段論南宋朝紀畧歷傳八主共六十年○宋主劉裕初為晉臣後篡

晉恭帝位改國號曰宋建都於建康是為武帝臨崩時誡太子義

符云徐羨之傅亮忠無貳心宜信任之武帝崩義符即位徐羨之

襄理國家掌管一切政事因義符性嗜遊戲羨之與傅亮檀道濟

等共議廢義符為營陽今湖廣永州府王後殺之迎立武帝之第三子義

隆即位是為文帝論文帝為人仁厚恭儉三十年間國家太平臣

守其職民安其業帝寵愛太子劼後因劼不義欲廢之擇立他子

日久不决尚書王僧綽曰當斷不斷反受其亂此後劼果弑文帝

並殺僧綽後被文帝第三子駿誅之自立是為孝武皇帝藝慢羣

中國 卷一 五

臣大興土木毀壞高祖武帝所居之陰室創造玉燭殿是年帝崩

於玉燭殿內太子業嗣位昏亂無道在位一年半被左右之臣刺

死諡曰廢帝諸臣迎立文帝第十一子湘東王彧即位是為明帝

深恨孝武帝之二十八子盡殺之殺其弟休佑休仁休若等皆因

太子年幼恐諸弟爭篡故如此慘戮又恐身後皇后聽政后兄王

景文生篡心遂賜景文自醜而死是年明帝崩太子昱嗣立性嗜

殺人曾直入大臣蕭道成府內時道成裸體而臥昱命起立畫騰

為皮革將射之道成曰老臣無罪乃更以飽箭射中其臍投弓大

笑而去道成因使將軍王敬則等圖謀之時昱到新安寺盜狗飲

酒大醉而歸被蕭道成等所弑死後追廢為蒼梧王道成立明帝

蒼梧王

明帝

廢帝

孝武帝

文帝

營陽王

二十卷
五帝

順帝

之第三子準卽位是爲順帝道成權勢强大目無君上順帝垂涕泣而言曰願世世子孫不復生在帝王家遂讓位於道成終被道成所弑南宋滅

高帝

耶穌後四百七十九年

第十三段論南齊朝應傳七主共二十四年齊王蕭道成初臣南宋後弑

蒼梧王迎立順帝又弑之遂篡帝位改國號爲齊是爲高帝性最

清儉及崩其子曠卽位是爲武帝武帝之子早卒立孫昭業爲太

孫武帝臨崩時遺詔命蕭鸞高帝之姪總理國政及昭業卽位未及年

蕭鸞弑之迎立昭業之弟昭文未及年鸞又弑之而自立是爲明

帝性多疑易生猜忌凡係高帝武帝之後嗣殺戮無遺在位五年

崩子寶卷嗣位大無君道寵愛潘妃鑿金爲蓮貼滿在地令潘妃

中國

七

行於其上名曰步步生蓮又聽信讒言殺忠臣蕭懿懿之弟蕭衍

自雍州興兵攻伐寶卷殺之迫廢爲東昏侯蕭衍立寶卷之弟寶

融是爲和帝在位一年被蕭衍廢爲巴陵王終弑之蕭衍篡立南

齊滅

武帝

耶穌後五百

第十四段論南梁朝相傳四主共五十五年梁主蕭衍初在南齊爲臣後

篡帝位改國號爲梁是爲武帝博學能文和睦宗族尊崇賢士殷

勤政事但信佛教曾捨身於同泰寺三次諸臣用億萬錢贖之再

三請諫然後允准時有北魏武臣侯景來降帝封爲河南王後侯

景叛逆兵圍臺城乃當時京師之名帝無菜可食但食雜粥竟憂餓而崩

太子統殊亡三子綱卽位是爲簡文帝侯景自封爲宇宙大將軍

簡文帝

元帝

敬帝

總理天下軍務簡文帝在位二年被侯景所弒湘東王繹亦武帝之子也聞帝遇害即踐帝位於江陵是為元帝派王僧辨陳霸先征討侯景景敗奔被殺帝在位三年西魏宇文泰率兵圍困江陵擄元帝殺之帝之第九子方智在建康即位是為敬帝加封陳霸先為征西大將軍命王僧辨掌管中外軍務王僧辨私迎武帝之侄蕭淵明踐帝位以方智為太子陳霸先曰武帝子孫雖多惟元帝可以復讐雪恥指殺侯景其子何罪爾竟廢之於是霸先與兵討僧辨廢淵明仍輔方智即位在位二年霸先自稱陳王終弒敬帝篡位南梁滅

續論後梁

時南梁被陳朝奪篡竊督復稱帝故曰後梁

中國

卷一

五

後梁蕭督武帝孫乃統之第三子初封為岳陽王當侯景篡時督與繹互相攻殺督求西魏助之魏殺繹即使督在江陵稱帝傳其子歸歸傳璨後被隋所滅

第十五段論南陳

傳五主共三十三年

○陳主霸先初在梁為臣後弒梁主

武帝
耶蘇後五百五十七年

篡位自稱皇帝是為武帝然怠慢國政最信釋迦曾捨身在大莊嚴寺在位三年而崩子昌頓出亡在外羣臣迎立其侄臨川今江

文帝

府王蒨即位是為文帝傳其子伯宗時文帝之弟安成王瑱總理國政瑱廢伯宗而自立是為宣帝及崩其子叔寶嗣位是為後主

宣帝
後主

在位六年被隋所滅南陳亡論後主荒淫過度寵其妃張麗華不理政事至隋高頊韓擒虎等兵圍京城後主投於井中為隋所擄

道武帝

耶蘇後三百八十六年

第十六段論北魏朝此兩從晉孝武帝時起至梁武帝時○魏主姓

拓跋名珪初稱代王後又稱帝是為道武帝帝欲得中原先攻敗

北狄又屢與燕主慕容垂交戰大勝之國愈強盛至晚年頗好神

仙服藥成疾被子紹刺弑之長子嗣又殺紹自立是為明元帝又

勝宋疆域益加闊大此後傳四世至孝文帝改姓元按孝文帝性

最孝好讀書慕賢樂善出宮女發府庫設立學校培養人材又親

至魯國即山東兗州府曲阜縣祭孔子尋求遺書嘗親身理訟斷獄更有許

多善政不可勝述帝因平成地寒遷都於洛陽及崩子元恪嗣位

是為宣武帝性喜浮屠大修佛寺並遠近廟宇約有一萬三千餘

處魏政於是浸衰矣及其子翊嗣位是為孝明帝其生母胡氏最

中國

卷一

九

淫與其臣鄭儼徐紇內外串通舞弊弄權帝密詔爾朱榮興兵內

攻儼紇懼即與胡后暗謀毒殺孝明帝立孝文帝之曾孫劔即位

時爾朱榮兵至洛陽擄胡后投諸河鄭儼被殺徐紇奔逃爾朱榮

立彭城王勰之子子攸即位是為孝莊帝爾朱榮之女為后后因

帝有一次未允其父所請之事遂大生妬忌帝恐生亂因偽言添

生皇子召爾朱榮入賀帝於坐上親斬之爾朱榮之子兆聞父死

即率兵入京弑孝莊帝帝遇害後爾朱世隆立本朝宗室名恭者

即位是為節閔帝中外咸悅人皆以為明君高歡忌懼遂廢節閔

帝而弑之又立一位宗室名修者即位是為孝武帝以高歡為大

將軍執政擅權帝因高歡權勢日熾恐其逼己遂出奔長安高歡

道武帝

耶蘇後三百八十六年

明元帝

孝文帝

宣武帝

孝明帝

孝莊帝

節閔帝

孝武帝

孝靜帝

又立孝文帝之孫善見即位，是為孝靜帝。從此孝靜帝為東魏。孝武帝為西魏。論東魏孝靜帝在位時，高歡專權，歡死，其子洋接襲父任，使諸臣請帝讓位，帝即下御座，乘牛車而出。高洋篡立，東魏亡。論西魏孝武帝被宇文泰所弒，立孝文帝之曾孫寶炬，是為文帝。崩後，子欽嗣位，是為廢帝。亦被宇文泰所弒，立廢帝之弟廓，是為恭帝。仍復舊姓拓跋氏。後被宇文泰之侄宇文護逼迫讓位於宇文泰之子宇文覺，西魏滅。

文帝

廢帝

恭帝

宇文泰之子宇文覺，西魏滅。

文宣帝

北齊後五百五十年

第十七段論北齊朝。此朝從梁簡文帝時起至陳宣帝時滅，傳六主，共二十八年。○齊主高洋初臣於魏，後逼令魏孝靜帝讓位於己，立國號曰齊，是為文宣帝。荒淫暴虐，沉湎於酒，嘗問於元韶曰：漢光武何故中興？韶答曰：因

中國

卷一

字

劉氏未全殺滅，帝遂將元氏族姓殺戮殆盡。及崩，子殷嗣位，未及

孝昭帝

武成帝

年，被叔父高演廢之而自立，是為孝昭帝。崩後，其弟高湛即位，是為武成帝。後帝聽信和士開之言，傳位於太子緯，自稱太上皇，多享快樂，論緯之為人，殘忍尤甚，嘗聚毒蝎置於浴盆，使人裸臥其中，痛號悲啼，後主顧之大笑，後亦自稱太上皇，讓位於太子恆，被

周所滅，北齊亡。

周所滅，北齊亡。

孝愍帝

北齊後五百五十七年

明帝

武帝

第十八段論北周朝。此朝從陳武帝時起至陳宣帝時亡，傳五主，共二十八年。○周主宇文覺篡魏恭帝位，立國號曰周，是為孝愍帝。宇文護專權，帝欲殺護，事洩露，反為護所弒，立其弟毓，是為明帝。亦被護所弒，又立明帝之弟邕，是為武帝。英勇果敢，忌宇文護專權，而不露於外，引護進見

宣帝

靜帝

文帝

耶穌後五百八十九年

太后即用美壁將護擊死，又平滅北齊，及崩，子寶嗣位，是為宣帝。殘虐無道，自稱天元皇帝，稱宮殿為天臺。在位二年，傳位於太子闡，因瘖而死。闡即位，是為靜帝。後被楊堅所弒。北周亡。

第十九段論隋朝傳三主共三十八年。○隋主楊堅，初臣於北周，周主納其

女為后，官至大丞相，後自封隋王。到周靜帝時，堅一人專權，總理

國政，除宣帝殘苛之政，定律法，變為闊大，中外咸悅，人心歸服。因

廢靜帝而自立，改國號曰隋。又興兵平滅南梁、南陳，疆圍日見寬

闊，堅之性不喜讀書，多猜疑，終弒周靜帝，並滅盡宇文之族。立長

子勇為太子，諸子皆封王。太子勇喜音樂，堅不悅，其次子廣從而

構陷之，遂廢勇而立廣。後堅為廣所弒，諡曰文帝。廣遂大築宮殿，

中國

卷一

主

製造龍舟，派十萬夫役開通邗溝，自長安直至揚州，以備乘舟遊

幸。又在洛陽築西苑，內中臺觀花卉，極其奢侈。又屢次親征高麗，

兵民死者不計其數。當時征役頻興，人心咸怨，所以王伯當、李公

逸、林士弘等相繼叛亂。又有李淵自太原興兵，按淵本太原晉陽

宮之留守也。其次子世民聰明果斷，知識過人。見隋方亂，遂勸其

父起兵，又通好於突厥，藉其兵力。於是淵迎立代王侑為帝，尊廣

為太上皇。淵自為大丞相，加封唐王。後羣雄諸寇陸續投唐，楊廣

荒淫日甚，亦自知所為不善，必及於禍。攬鏡自照，曰：好頭頸，誰欲

之後為其臣？宇文文化及所弒李淵追諡為煬帝，換代王侑立二年，

禪位於淵。淵封之為酈公，死後諡曰恭帝。隋滅。

恭帝

第二十段論大唐紀畧○高祖李淵初為隋臣，因煬帝無道，盜賊蜂起，故淵興起義師，安定天下，眾人皆願尊淵為天子，淵即踐皇帝位。六年之中，掃除暴亂，奄有四海，皆世民之力也。因改國號曰唐，建都於長安，以建成為太子。因秦王世民功勳過大，無爵可封，特加封為天策上將，位居王公之上。建成貪酒色，好遊戲，齊王元吉多有過失，高祖皆不甚愛，惟秦王世民智勇出眾，功勳超常，建成妒忌之，因與元吉同謀陷害世民。大略宮中嬪妃，諸媚求榮，無所不至，故諸嬪妃皆在高祖前獎誦建成與元吉，譖世民。高祖聽讒言，遂與世民日疎，與建成元吉日親。一日建成備鴆酒邀世民來飲，適世民驟覺心痛，嘔血數斗，幸未殞命而還。元吉又求高祖殺世民，世民知禍將及己，遂從房玄齡等所謀，伏兵於玄武門外，射殺建成。元吉高祖聞變，即立世民為太子，將國家一切政事軍務，俱交世民。未幾遜位，自稱太上皇。於是世民即位，是為太宗。每日在顯德殿聚集數百兵騎，親自訓練弓箭，且推心置腹，所以人人奮勉，不數年盡成精銳之兵。又立弘文館，彙纂古書二十餘萬卷，置於館中，揀選天下博學之人為學士，又選取三品以上之子孫在弘文館肄業。時有突厥背叛，帝遣兵征之，大獲勝捷，餘眾降者十萬口。又親征高麗，在安市城下與高麗兵對敵，時有龍門人薛仁貴大呼入陣，所向無敵，大兵乘之，高麗兵大潰。後因攻安市城不下，太宗以遼東早寒，草枯水凍，士馬難以久留，始下詔班師。

中國

卷一

三

太宗

論太宗在位二十三年，極其英明，文德武功，可為一時之盛。崩後子治嗣位，是為高宗。踐位後，即立武氏為妃。論武氏名譽，音初為太宗才人，貌俊美，當高宗為太子時，見武氏，頗愛之。太宗崩，武氏削髮為尼。適高宗入寺參佛，見而悲泣，當時蕭淑妃甚得寵愛，王皇后陰令武氏長髮，納入後宮，欲以間淑妃之寵。武氏多有智慧，事奉皇后，極謙卑遜順。皇后屢稱其美，故高宗立以為妃，大得寵。王皇后反，失寵。後武氏生女，王后憐而弄之，王后出，武氏將其女扼死。高宗入宮，武氏佯作歡容，揭被視女，則已死，遂驚訝啼泣，問左右，皆曰：皇后適來此。高宗大怒曰：后殺吾女，武氏當高宗盛怒之時，多方譖訴，後廢后為庶人，立武氏為皇后，終為武氏所害。此

中國

卷一

三

武后尊號則天

後高宗隔日視朝理政，又將大權全交武氏掌管，每臨朝時，武后垂簾聽政。高宗不過端拱而已。武氏遂殘害忠良，任用奸黨，及帝崩，太子哲嗣位，尊武氏為皇太后。凡軍國大事未決者，皆請太后裁度。於是一切政務，均歸太后之手。遂廢哲為廬陵王，立豫王旦。未及年，又廢之。太后臨朝稱帝，改國號曰周。寵倖薛懷義、張易之、張昌宗等，常召入宮中淫樂。武后心存狼毒，傾覆唐室，各路王公皆欲興兵討之。復興大唐之天下，武后聞之，遂滅唐之宗室，幾乎盡絕。並銷毀宗室族譜世系，欲立其內侄武三思為太子。狄仁傑諫之乃止。又有張易之、張昌宗聽從吉頊之言，屢勸太后立廬陵王。太后乃召還廬陵王居東宮。當時武后敬重狄仁傑，稱為國老。

中宗

仁傑曾舉張柬之為宰相，又舉姚元崇、桓彥範等數十人。及太后病劇，易之昌宗舞弊專權，張柬之等與兵討之，入元武門，迎太子，斬易之、昌宗於殿前，直抵太后寢宮。太后不得已，乃命太子哲復位，仍改國號為唐。是為中宗。遷太后於上陽宮。河南府閩鄉縣上尊號曰則天大聖皇帝。立韋氏為皇后。中宗每日臨朝，后必垂簾。一切政務皆得聞知。帝又重用武三思，劉幽求告於張柬之等云：「三思尚在，公等終無葬身之地。若不早圖，恐悔之無及。」柬之不從。後帝與三思同議國政，柬之等均被三思挾制。帝又常令三思與韋后博戲，遂私通。由是武氏之黨權勢復振。柬之等皆為所害。後太子重俊起兵討三思，誅之，並殺其子崇訓。太子亦為亂兵所殺。韋后又

中國

卷一

西

玄宗

與馬秦客、宗楚客私通，參軍燕欽融上疏言：「皇后淫亂，楚客危亂社稷，后懼甚，遂與楚客等用陰謀毒害中宗。」計中宗復位五年，中壽而崩。韋后立溫王重茂為太子，臨朝聽政。學武后規模。當時相王旦之子瀛、淄王隆基、立志匡復，因與劉幽求等微服入宮苑殺韋后，並安樂公主，與諸武諸韋等。於是廢重茂，仍為溫王。相王旦即位，是為睿宗。立隆基為皇太子，論睿宗復位，本出無心。因隆基有匡復之功，故在位二年，即遜位焉。隆基即位，是為玄宗。論玄宗即位之初，頗思除害興邦，親賢使能，國政幾致太平。惜用李林甫，挾勢弄權，欺君罔上，又納其子婦楊氏為貴妃。由是政治日衰。時有安祿山者，本管州。直隸永平府昌黎縣雜胡，曾從其母再嫁安氏，遂冒其

姓，玄宗甚寵愛之。祿山請爲貴妃兒，於是出入宮掖，恆通宵不出。在外大有醜聲，且祿山素有反志，因蒙恩過重，未肯驟叛，意俟玄宗晏駕後方作亂。無如楊國忠屢以事激其變，祿山遂自范陽順

天府反，爲時無幾，有十數州郡降賊者。又有哥舒翰與賊戰於靈

寶，今河南府靈寶縣敗績被擄，遂降賊。從此河東今山西太原府華陰今西安府華陰縣

馮翊今西安府同州府上洛今西安府洛南縣諸郡守皆棄城而走。玄宗聞之懼甚，

問計於宰相楊國忠，國忠請上幸蜀。今四川成都府上命將軍陳玄禮整

頓六軍，黎明上與貴妃並皇孫等起駕，午正至咸陽，翌日至馬嵬

驛，在興平縣西諸軍疲餓不行，羣相鼓噪曰：「誤國者楊國忠也。」遂爭殺

之，並請殺貴妃。陳玄禮白於帝，帝不得已，乃使高力士引貴妃於

佛堂，縊殺之，寘屍以示諸將士。後玄宗至扶風，今陝西鳳翔府下詔遜位

於太子，太子堅不受，帝又經河池，今陝西漢中府鳳縣至蜀。祿山不意帝西

幸，遣孫孝哲率兵入長安，城陷後殺妃主皇孫數十人。至於王侯

將相，護駕入蜀，有眷屬在長安者咸遇害。此後賊據長安，日事宴

樂，沉湎於酒，好聲色，貪財貨，皆無心西寇。故帝可安然入蜀，太子

亦可安然北行，無一賊追逐。太子至靈武，即是靈州諸臣奏請遵馬嵬

之命，乃踐位，是爲肅宗。尊玄宗爲上皇，天帝上皇聞之大悅曰：「吾

兒應天順人，我尙何憂。」遂遣使捧寶冊，玉璽詣靈武傳位。時有郭

子儀、李光弼等，在各處剿滅賊黨，平復兩京。後屢戰屢勝，直至代

宗時，滅盡賊匪，海內一律肅清。所陷州郡城邑均已克復。○論祿

卷一

肅宗

代宗

山僭稱帝時已喪其明，僞宰相嚴莊、陵山之子慶緒殺祿山而自立，終被史思明所殺。思明亦僭帝號，被其子朝義所殺。而莫其位，其臣李懷仙殺之，獻首於唐。賊盡滅，肅宗在位七年時，上皇宴

駕肅宗亦崩。

太子豫嗣位。

是爲代宗。在位時吐蕃叛亂，帝避之，出

幸陝州。

今河南府陝州。

賊陷長安，肆行焚掠。郭子儀率兵攻之，賊奔竄，帝

復歸長安。又有叛將僕固懷恩引吐蕃十餘萬衆入寇，京師震駭。

時郭子儀出守奉天。

今陝西安府乾州。

懷恩攻奉天，子儀以兵禦之。懷恩

不戰而退，又引回紇數十萬衆入寇，至便橋，近長安。懷恩暴卒於

塗。郭子儀單騎見回紇可汗之弟藥葛羅，抵其營壘，免胄釋甲，擲

槍而進，諸酋皆羅拜。子儀握藥葛羅手，先溯舊好，然後以大義責

中國

卷一

三

憲宗

之言其負約助叛，失信傷和，藥葛羅首肯心服，謝罪不遑，深悔受

懷恩之誑，遂與子儀指酒爲誓，共擊吐蕃。吐蕃聞之夜遁，回紇亦

歸。代宗崩，太子適嗣位，是爲德宗。性多猜忌，過直臣之諫諍而不

納，受諂諛之欺罔而不覺，寵用盧杞爲相，陷害忠良，人心怨讎，以

致天下叛亂。臣多異謀，當時朱滔、李希烈、李懷光等相繼背叛，數

載之後，始得平定。帝崩，太子誦嗣位，是爲順宗。有瘡疾，未及年傳

位於太子，未久而崩。太子純嗣位，是爲憲宗。卽位後，尙有僭亂之

臣，勦滅未盡。帝剛明果斷，善用忠謀，不爲眾議所惑，銷除叛逆，終

成大功。大唐威令復振於天下，惜其後任用非人，服金丹以求長

憲宗

順宗

穆宗

諱之但云藥發而崩子恆卽位是為穆宗自安祿山叛逆之後凡河北失守諸郡全行克復惜其獲已成之業而不能守仍為強臣所據迨於唐亡終未收復嗣後傳敬宗文宗武宗宣宗懿宗五帝在位非性好嬉遊狎昵於羣小卽優柔寡斷受制於宦官至懿宗子僖宗時軍國大事統歸宦官田令孜一人掌理當時有王仙芝等聚眾為盜叛逆朝廷復有曹州人黃巢舉進士不第與仙芝同販私鹽仙芝作亂巢聚眾應之仙芝敗死巢益強遂陷長安自稱大齊皇帝時帝出奔興元詔各路興兵討賊又使人至沙陀詔李克用於是克用率兵來援屢獲大勝賊眾潰散黃巢亦焚宮殿而遁賊將尙讓朱温皆率眾來降遂收復長安巢收餘黨奔兖州尙

中國

卷一

七

讓追擊之至瑕丘

今兖州府臨陽縣

黃巢敗績殺其餘黨幾盡巢之甥林

言斬巢並其兄弟妻子之首來降被沙陀軍士劫而奪之且殺林

言後朱温與克用不睦屢欲陷害克用遂上疏請討朱温僖宗下

優詔解和克用氣終不平時各鎮守相攻擊朝廷弗能辨其曲直

遂致互相吞噬以力相尙時朱致李昌符陰附全忠卽朱温克用乃

上言朱致昌符全忠表裏為奸合謀滅臣臣不得不自救詔和解

之克用不聽遂與朱致李昌符戰於沙苑在西安府朝衣縣南朱致敗績克

用進逼京城表請殺田令孜令孜奉天子幸鳳翔時令孜專權舞

弊復使天下危亂人皆忿怨帝放之遠方後為王建所殺僖宗還

昭宗

長安病劇而崩宦官楊復恭立其弟傑卽位是為昭宗懿宗之嗣第七子

位後頗有中興之志惜威令不行因當時楊復恭專權自稱定策

國老以皇帝為門生天子復恭被李茂貞所殺茂貞又劫昭宗奔

華陰今山西三年後始歸長安時天下大亂八方起兵上不能制

昭宣帝

復奔洛陽朱全忠弑之立其子祝嗣位是為昭宣帝在位二年被

朱全忠篡弑唐滅按史記大唐傳二十
主共二百九十年

第二十一段論五代紀畧梁唐晉漢周

後梁紀傳二主共
十七年

太祖

梁太祖朱全忠初名溫先從黃巢為寇後降於唐加封梁王篡唐

帝位改國號曰梁是為太祖淫虐無道敗亂倫常會私通於其媳

末帝

其子友珪弑之友珪之弟友貞復殺友珪而自立是為末帝後被

中國 **卷一**

後唐所滅梁亡

後唐紀傳四主二姓
共十四年

莊宗

唐主李存勗李克用之子也滅梁後改國號曰唐是為莊宗好優

伶常以粉傅面與優人敬新磨等在殿廷演戲後伶人郭從謙作

明宗

亂莊宗中矢而殂子繼岌亦死故李嗣源即位是為明宗論嗣源

本胡人原名邈佶烈係克用之養子不務兵革不喜遊獵遠聲色

閔帝

疎宦官善政最多歲稔年豐在位八年而殂子從厚立是為閔帝

後被明宗養子從珂所篡弑按從珂篡位三年被石敬瑭兵逼京

廢帝

都自焚而殂稱為廢帝後唐滅

後晉紀傳二主共
十一年

高祖

晉主石敬瑭乃後唐明宗之婿為太原藩鎮因與廢帝有隙借兵於契丹並割幽薊等十六州以與之遂滅後唐而即帝位是為高祖及殂侄重貴嗣位因背契丹之約契丹伐之兵敗被擄後晉遂

高祖

亡

後漢紀傳二主
共四年

高祖

漢主劉知遠輔敬瑭大有勳勞封北平王因契丹滅晉中原之人日不聊生諸軍主共推尊知遠為帝知遠即入汴城承晉統在位二年殂次子承祐嗣位是為隱帝聽信讒言殺戮賢臣復謀殺郭威威即率兵攻之承祐死於亂軍之中後漢亡

隱帝

後周紀傳三主二
姓共十年

中國

卷一

无

太祖

周主郭威初臣於後漢篡隱帝位是為太祖無子以妻兄柴守禮之子柴榮為嗣及殂柴榮嗣位是為世宗英明果敢大有才能時李昇據江南稱南唐李旻據河東稱北漢孟昶據蜀高重據荆南其餘割據者不可勝述世宗率兵往各處征討屢獲勝捷威聲大振及殂子宗訓嗣位是為恭帝年甫七歲為趙匡胤所篡後周

世宗

恭帝

滅

太祖

皇極後九百
六十年

第二十二段論大宋紀畧○大宋創業之君姓趙名匡胤始臣於周官殿前都點檢因契丹入寇匡胤率兵禦之行至陳橋驛在河南開封府城北四十里諸將弁聚議皆曰主幼國危我輩縱出死力建奇勳其誰知之不如先請點檢為天子然後北征未為遲也翌日昧爽諸

真宗

將弁軍士突然擁至匡胤寢所俱云諸將無主願尊太尉為天子匡胤未及答即將黃袍加於其身眾皆羅拜呼萬歲掖之乘馬還汴京今河南開封府匡胤執轡勒馬而言曰爾等欲富貴能從我命則可

否吾不能為汝主眾皆下馬曰願受命匡胤曰太后主上乃我北面所事者勿得驚犯公卿大夫皆我比肩勿得侵凌朝市府庫勿

得侵掠能遵我命必有重賞違者不貸諸將弁皆遵命而行即整齊隊伍行入汴京踐帝位奉周幼主為鄭王稱太后為周太后移

居西宮匡胤因所統之兵在宋州今河南歸德府故改國號曰宋是為太祖尊其母杜氏為皇太后以趙普為相太祖性至孝於太后病劇

時受其遺命令太祖百歲後傳於光義光義傳光美皆太祖弟光美傳

中國 卷一

德昭太祖子蓋欲國有長君也遂命趙普即榻前記錄其言藏之金匱太祖在位十七年五代羣雄均陸續平定成一統焉迨太祖崩

晉王光義嗣帝位是為太宗恭儉仁恕又親征太原幽州等處時皇子德昭隨營軍中曾夜驚不知帝之所在或有人謀立德昭帝

聞之不悅已懷妒忌班師後久不行賞德昭請之太宗云俟汝自為天子再賞諸軍未為遲也德昭退而自刎秦王光美從此心懷

疑懼寢食不安一日太宗以杜太后遺命傳位之事問趙普趙普曰太祖已誤陛下豈可再誤普又曰相臣盧多遜與秦王光美多

往來有異謀遂發遣盧多遜於崖州貶光美為涪陵公崖州即今廣東瓊州

涪陵即今四川重慶府涪州憂憤而卒太宗崩太子恆嗣位是為真宗寬仁慈

真宗

愛頗有帝王之量，然而信邪說，崇道教，加封老子爲太上老君，混元上德皇帝。在位時，契丹入寇，勢甚猖獗，寇準勸帝親征，駐蹕於澶州。今直隸開州士卒見帝親臨，勇氣百倍，契丹請盟而退。由此真宗

厚遇寇準，王欽若妒忌之，屢進讒言，帝遂疏寇準。欽若又勸帝行封禪之禮，於是東封泰山，西祀汾陰等處，是時羣臣爭奏祥瑞，共獻頌贊，帝惑於邪說，雖有諫者，帝若罔聞。及崩，子受益嗣位，是爲仁宗。乃真宗之宸妃李氏所生，劉皇后養爲己子。卽位時，其年方幼，太后垂簾聽政。及太后崩，仁宗方得親政，追封李氏爲皇太后。任呂夷簡爲相，論夷簡爲人，甚有才幹，但嫉賢妒能，凡有才德勝己者，皆屏之而不用。及其晚年，頗知己過，復將疇昔所棄之賢才，

中國

卷一

三

均選錄而舉之於朝。夷簡沒後，帝重用范仲淹、文彥博、韓琦諸人，朝廷多君子，政事修明。仁宗爲人恭儉，仁恕，始終如一，惜仁柔有餘，而剛武不足，是以屢有夷狄之禍。幸用大將狄青，終能克敵。帝曾封孔子後裔爲衍聖公。當時又有包拯者，因帝無子，請帝樹立太子。帝因養汝南河南汝南府王允讓之子宗實於宮中。越二年，立爲皇太子。仁宗崩，宗實卽位，是爲英宗。優禮大臣，愛民重儒，足爲良主。惜未享遐齡，僅在位四年而崩。太子頊嗣位，是爲神宗。專精求治，不喜田獵，不興土木，克儉克勤，惜誤用王安石爲相，言似忠信，心藏奸詐，廢舊章，立新法，剛愎自用，大誤蒼生，以致大遭亢旱饑饉，民流離，鄭俠繪流民圖，遞奏於帝，并云旱災由安石所致，去安石

英宗
神宗

哲宗

徽宗

欽宗

十日內必雨若不雨乞斬臣首以表欺君之罪帝聞之遂止新法萬民歡呼卽日大雨溼沛普徧日後仍用安石所立新法以致物議紛紛民情沸騰多有直臣諫官上疏陳明其害而帝卒不聽及崩太子煦嗣立年甫十歲是爲哲宗高太皇太后臨朝當時司馬光呂公著爲相停修城工止造軍器與萬民興利除害政事修明庶績咸熙焉迨後太皇太后崩哲宗親政神宗朝之小人呂惠卿鄧綰等得志橫行追貶哲宗初年之正人司馬光呂公著等殆無虛日以致國家禍亂金狄之難徽欽之禍從此起矣哲宗崩無子神宗之第十一子佖嗣位是爲徽宗機巧多技大興土木窮極淫泆屏棄忠良任用奸徒當時曾布爲相引用蔡京帝寵信之京誣謂司馬光蘇軾程頤等百二十人爲奸黨編列其姓氏名字勒之於石樹端禮門外名曰黨人碑帝初約金攻遼欲得石晉賂契丹舊地及遼滅金主僅與燕薊景等州空城至於官民之金幣貨財業已擄掠淨盡後與金失和金兵遂蹂躪燕都圍困太原並渡河逼近汴京帝傳位於太子桓是爲欽宗尊徽宗爲太上皇後金主遣人請割燕薊三鎮之地李綱云疆域乃宗祖所遺不可以尺寸與人當以死守金主又遣人議和索取牛馬金幣無算並言以親王大臣爲質方班師帝皆許之金將幹離不圍困汴京逼帝交足所許金銀額數帝將都城官紳商民金幣括取殆盡仍未敷其數金兵卻自退後又因索取金幣土地之衅幹離不復率大兵渡

中國

卷一

三

晉宗

河圍汴京張叔夜率兵來援眾寡不敵汴京失守帝至金營奉表降及歸言割兩河之地民不從金人復喚帝至其營遂劫帝與太上皇并后妃太子等三千餘人北行後金主封徽宗為昏德公封欽宗為重昏侯使居於五國城先後殂落當二帝北行之時張邦昌從金人改立異姓之命僭居帝位改國號曰楚後聞呂好問天命人心皆歸之言於心不安乃迎徽宗之第九子康王構於濟州即帝位於南京即今江甯府是為高宗雖云中興之主實無中興之才初為汪彥伯黃潛善所惑但主和議奈金人狡猾要求無厭且屢次引兵犯境繼而趙鼎張浚先後為相遂決意主戰有楊沂中劉錡韓世忠岳飛諸將擊敗金人且平定境內羣寇國中稍安又命

中國

卷一

三

岳飛屯兵襄陽以圖中原飛智畧過人屢戰皆克又與金兀朮戰於朱仙鎮大破之兀朮遁逃遂收復懷衛等州凡中原州縣為金人所奪者百姓皆爭迎官軍金將亦多率兵來降飛大喜方指日渡河伊時高宗已聽秦檜讒言與金議和以淮為界連詔岳飛還朝飛憤惋泣下曰十年之功廢於一旦遂班師後竟為秦檜所害天下冤之帝在位三十六年而內禪退居德壽宮又二十五年而崩自太子專卒後帝無別子養太祖七世孫瑋立為太子後遜位於瑋是為孝宗尊高宗為上皇性最孝事上皇二十六年孝養備至上皇晏駕之日哀慕尤切常存恢復之志因金主賢明無隙可乘於是南北講好天下無干戈之擾矣從此偃武修文道學大興

孝宗

光宗

高宗

時則有朱熹張栻陸九淵諸大儒熹嘗從學於李侗得伊洛之正傳曾云吾生平所學不外正心誠意四字著書傳道卓然一代之大儒素王之功臣也當時治教休明文風丕振故宋世名儒較前代倍多帝在位二十七年遜位於太子惇是為光宗尊孝宗為壽皇其后李氏最為悍妒挾制光宗不使盡孝於壽皇後得驚心之疾當壽皇崩時不能親執喪禮又不早立太子於是趙汝愚等奉太后之命奉嘉王擴受內禪是為甯宗謙恭仁儉始終如一然柔而不明韓侂胄擅竊威權竟將賢相趙汝愚貶黜以致殞命而當時仕宦攀附者甚眾惟朱熹於進講時數陳政事知無不言復上疏內有左右或竊其柄威權下移之語蓋隱指侂胄也故侂胄惡

中國

卷一

十四

之因罷熹官並發遣熹之門人蔡元定於道州今湖南道州熹自罷官

後自甘貧賤日與諸生講學不休熹之門人不可勝數而最著名

者有黃幹李燔蔡沉諸人蓋道之正統由孔子而後曾子子思孟

子接其傳孟子而後周敦頤字茂叔張載字橫渠二程顥繼其統至於朱熹

而益著熹年七十一歲而卒時南北和好已久侂胄因金國為北

鄙阻樸等部所擾連歲用兵國勢日弱欲乘其釁以伐之岳嵩諫

之不聽遂下詔伐金而各路之師皆為金人所敗金乃分道入寇

侂胄恐懼遣使請和金人欲得首禍之臣史彌遠設計誅侂胄梟

其首送入金營金始罷兵伊時蒙古奇渥溫姓鐵木真名稱帝於

斡難河按鐵木真字端又兒之裔也世奉貢於遼金傳至也速該

并吞諸部勢愈盛大也。諫該卒，鐵木真年幼，其部眾多歸其族人泰赤烏部。後鐵木真擊敗泰赤烏，又滅乃蠻，攻西夏，戰無不勝，兵勢甚強，遂侵金。金人恐懼，求和。鐵木真不許，遂攻克金西京。今山西大同西北諸州皆降。自此鐵木真屢敗金兵，金以其故主承濟之女妻鐵木真。及蒙古求和，後金主珣遷都於汴。鐵木真怒曰：「既和而遷，是有疑心，終不釋憾，特以解和為欺我之計耳。」復南侵，遣兵圍燕京。當時金人屢遣使來督催歲幣，真德秀上疏請絕之，帝納其言，遂罷金歲幣。鐵木真攻破燕京，並取金河東諸州郡。又率兵入西域，屠蔑里城，滅回回國。大掠忻都而還。甯宗崩，史彌遠矯詔廢皇子竑，立太祖十世孫榮王希瓚之子貴誠，更名昀，嗣位。是為理宗。

中國

卷一

五

宗以史彌遠為相，凡黜陟官爵，取舍人材，均出伊一人之手。故攀附者甚眾，如梁成大、李如孝、卑賤無恥之輩，時人呼之為彌遠鷹犬。如真德秀、魏了翁皆一代大儒，成大反以德秀為真小人，以了翁為偽君子，永不遷陞。至彌遠卒，帝始得親政，信任真德秀、魏了翁，而朝廷政事綱紀肅清。未幾又有史嵩之專權，德秀了翁又皆罷職。帝以朱熹集註四子書，發揮聖賢蘊奧，有補治道，特贈太師，追封信。信州今江西廣信府國公。時鐵木真死於六盤山，少子拖雷監國，論鐵木真用兵如神，滅國者四十，平西夏，定疆域，生四子，長曰木赤，善戰早死，次曰察合歹，為眾所畏，三曰窩闊台，四曰拖雷，拖雷生六子，第四曰忽必烈，後為元世祖。及窩闊台嗣位，率兵圍金汴京。

遣其臣王楸來議夾攻金。帝許之。金主出奔河北。又奔蔡州。史嵩之使孟珙等率師會蒙古圍蔡州。金主守緒傳位於其宗室承麟。孟珙以蒙古兵入蔡州。守緒及其尚書右丞完顏忽斜虎死之。承麟爲亂兵所殺。金亡。孟珙歸。獻金俘於太廟。論功行賞有差。雌趙葵欲乘時收復中原。帝命進兵。葵雖取數處城邑。率皆空城。無食可因。史嵩之又饋餉。兵皆潰散。葵遂引師南還。蒙古使人來責背盟。遂分道入寇。自此將帥守臣屢次敗績。多有叛降蒙古者。帝命賈似道督兵禦敵。似道遂使人至蒙古營求和。私許稱臣納幣。卽蒙古兵退。反奏諸路大勝。戰退蒙古。帝以似道爲有功。大加陞賞。論理宗本中材之主。多受奸臣蒙蔽。故國勢日蹙。幾至滅亡。

中國

卷一

美

度宗

恭宗

端宗

然始終崇尚理學。敬重儒道。斯爲可取耳。及崩。無子。立榮王之子。諡嗣位。是爲度宗。信任賈似道。蒙古連年入寇。喪師失地。殆無虛日。而似道欺君誤國。以致滅亡。度宗崩。似道立嘉國公顯。是爲恭宗。伊時元寇日急。帝使似道督率各路軍馬。似道兵潰。逃入揚州。元伯顏率兵至臨安。執帝北行。後帝在元爲僧。終爲所害。此後度宗之長子名昞。年甫九歲。在福州嗣立。是爲端宗。伊時文天祥屯漳州。張世傑攻泉州。然元兵勢大。皆不能獲勝。帝奔井澳。後逃入海。因溺水得驚疾而崩。羣臣多欲散去。陸秀夫曰。度宗尚有一子。將焉置之。古人有以一旅一成中興者。今百官有司皆具士卒數萬。天若未欲絕宋。豈不可以爲國耶。乃與衆共立衛王昺。年八歲。

昺

矣。帝遷於新會縣之厓山。文天祥治兵於外。元張弘範襲執之。遂襲厓山。張世傑與之大戰數日。世傑兵潰。陸秀夫知事不可爲。負帝投海而死。世傑復收兵至海陵山。舟覆亦死。天祥被執至燕京。元主欲其降。天祥固求死。後爲元所殺。宋亡。北宋九帝共一百六十七年。南宋九帝共

一百五
十三年

正補

一千
四年

第二十三段論大元紀畧。元世祖文武皇帝。姓奇渥溫。名忽必烈。太祖鐵木真之孫。拖雷之第四子也。自太祖太宗定宗憲宗至帝始滅宋。襲正統。都燕京。作渾天儀。以測天象。通海運。開通惠河。以便轉輸。又訪天下人才。若趙孟頫之流。均被擢用。獨謝枋得誓死不仕。後爲元人所逼。不食而死。世祖崇尚佛教。以西僧楊璉真

中國

卷一

三

成宗

加爲國師。太子真金卒。集僧四萬。作資戒會。且屢次幸上都。遂至代代重佛輕儒。多好遊幸。國祚之不長。實由貽謀之不善也。及崩。皇孫鐵木耳卽位於上都。是爲成宗。多行善政。實守成之令主。迨末歲寢疾。宮闈預政。宰執擅權。崩後。皇后欲以安西王攝政。而已臨朝。右丞相哈喇哈孫遣使迎懷甯王海山於漠北。皇后與阿忽台等謀斷海山歸路。海山弟愛育黎拔力八達自懷州至。誅阿忽台等。海山卽位。是爲武宗。廢皇后。立弟愛育黎拔力八達爲皇太子。帝本欲創制政法。故加孔子爲大成至聖文宣王。諸路有水旱蝗蟲之災。卽遣人賑貸。又詔有司贖饑民所鬻之子女。然封宦官爲大司徒之職。西僧爲翰林丞旨之職。爵賞太濫。終不能大有爲。

武宗

也在位四年太子愛育黎拔力八達嗣位是為仁宗係武宗之弟
 因其有功故武宗舍子而立之天性恭儉通達儒術詔以宋儒周
 敦頤程顥程頤等從祀孔子行科舉以取人才重用賢臣李孟又
 詔用先朝老臣程鵬飛等十五人故當時政治多有可觀惜其以
 宦官祀孔子寫金字佛經以求福又逼迫武宗之子和世疎逃居
 漠北皆為盛德之累耳及崩太子碩德八剌嗣位是為英宗以拜
 住為丞相拜住勵精圖治政務一新當仁宗臨崩時有鐵木迭兒
 專權帝知其奸而鐵木迭兒已死帝命削其官爵藉其家財其奸
 黨鐵失等皆懼時帝在上都以夜寐不甯命作佛事拜住諫之而
 止奸黨遂慙惡羣僧言國當有難須作佛事並大赦天下可免拜

中國

卷一

美

住叱曰爾輩不過圖得金帛而已又欲大赦罪人何故奸黨聞之
 愈懼乃生異謀當時帝自上都南還駐驛南坡鐵失等先殺拜住
 遂入禁幄弑帝論英宗天性至孝處事果決及被弑晉王也孫鐵
 木兒嗣位論也孫鐵木兒乃世祖之曾孫英宗無子諸王迎而立
 之最好佛教曾受佛法於國師然能遵守先帝成法天下無事稱
 治平焉後文宗不為立廟謚但稱為泰定帝泰定乃帝即位之年號及崩太
 子阿速吉八即位於上都燕帖木兒在燕京作亂遣使迎武宗次
 子圖帖睦爾於江陵今荊州府江陵縣使承襲帝位圖帖睦爾詭辭曰吾
 兄在北當以天下讓之吾暫攝帝位可也遂遣人迎和世疎於漠
 北又率兵攻陷上都太子不知所終論和世疎乃武宗之長子圖

明宗

文宗

常宗

帖睦爾之兄也。因圖帖睦爾奉迎，襲位於和甯，封燕帖木兒爲太子。立圖帖睦爾爲太子，遂自和甯起行。至旺忽察都之地，圖帖睦爾入見，因弑之。但云暴崩，立廟號曰明宗。圖帖睦爾襲位，是爲文宗。以燕帖木兒有援位之功，信任之，使其子燕帖古思出居燕帖木兒家。又養燕帖木兒之子爲己子。及崩，燕帖木兒請皇后立燕帖古思，皇后不從。命立明宗次子懿璘質班年甫七歲，尊皇后爲太后。凡事皆取決焉。在位二月而崩，立廟號曰甯宗。燕帖木兒復請立燕帖古思，太后曰：「吾子尚幼，安懼帖睦爾在廣西，今年十三矣。且明宗長子於理當立，乃遣人往迎之。至京師，燕帖木兒具陳迎立之意，安懼帖睦爾年幼，且畏其勢，一無所答。」燕帖木兒疑其

中國

卷一

堯

順帝

心懷不測，故遷延數月不得立。及燕帖木兒死，太后與諸大臣立之。且約後傳位於燕帖古思，遂踐位於上都，是爲順帝。後帝思念舊怨，並追論明宗之故，詔廢文宗廟主，遷太皇太后於東安州。放燕帖古思於高麗，使人殺諸途。帝怠於政，惟好遊晏於內苑，作龍舟，使宮女習歌舞，與八郎禿魯帖木兒等十人狎褻無度。又寵幸僧人伽璘眞等，受其法，封伽璘眞爲大元國師。又發民兵十七萬，修復黃河故道。國政日非，人心怨讟。徐壽輝、張士誠、郭子興等皆聚衆爲亂。帝雖派兵征剿，而賊勢日熾。朱元璋亦起兵滁州，除滅羣雄，撫有淮、漢、荆、楚之地。其臣李善長等勸元璋稱帝。元璋不從，乃稱吳王。命徐達常遇春北定中原，於是山東諸郡悉皆來降。達

與遇春會集諸將直逼元都帝與后妃皇太子避兵北行遇春等率兵追之擒其皇孫買的里八剌而還帝在位三十六年而元亡後元主在應昌二年而殂明太祖以帝知順天命退避而去特稱曰順帝封其孫買的里八剌為崇禮侯後遣北還

太祖

第二十四段論大明紀畧○太祖朱元璋先世本沛州府人後

蘇後一千
百六十八

遷於句容其父世珍又遷於濠州之鐘離母陳氏生元璋姿貌雄傑志意廓然年十七父母相繼歿孤無所依乃入皇覺寺為僧時天下大亂郭子興據濠州遂往從之子興奇其狀貌留為親兵以養女馬氏妻之後與徐達湯和等入滁州所戰皆捷歸者日眾於是分遣諸將勦滅羣寇平定中原遂即帝位年號洪武後又平定

中國

卷一

四

川廣雲貴陝甘等處成一統焉以應天為南京今江南開封今河南開

封為北京建六部曰吏戶禮兵刑工各設尙書侍郎等官立子標

為太子封諸子為王帝以淮右布衣十餘年遂成帝業其雄才大

畧立法周詳誠創業之主也在位三十一年而崩太孫允炆即位

論允炆太子標之子標早卒太祖立允炆為太孫是為恭閔惠帝

年號建文帝以諸王強盛恐其為亂與齊泰黃子澄謀廢周王橚

齊王榑等為庶人湘王栢懼罪自焚死又有告燕王棧不法者帝

遣使責之棧與僧道衍謀伏兵殺使者遂舉兵反號其兵曰靖難

言欲安靖國家之患難也遣兵攻陷薊州通州永平密雲等處皆

降棧帝先後遣耿炳文李景隆討之皆敗績景隆奔德州棧攻陷

閔惠帝

成祖

德州進攻濟南濟南都督盛庸與參政鐵鉉擊敗棣兵於東昌棣始遁還後棣又大舉南犯連陷山東州郡自瓜州屬江蘇揚州府渡江帝遣人至燕師議和棣不許率兵攻京都谷王橧與李景隆守金川門望見棣來開門迎降京都遂陷俄而宮中火起帝不知所終後於灰燼中得皇后屍詭云帝屍棣以天子之禮葬之帝恭儉仁讓但無撥亂之才在位四年而及於難棣自立為帝是為成祖年號永樂帝命方孝孺草登極詔孝孺大哭且罵帝慰勞之孝孺乃大書燕賊篡位四字帝怒殺之並夷其族當時不屈被殺或自盡者鐵鉉卓敬等三十餘人改北平為順天府置北京徙都之又徙浙江等九省富民以實其地以海運多險使濬會通河南引汶水接

中國

卷一

四

徐浦以通於淮北流至臨清今山東臨清州以通衛河河運既通乃罷海

運伊時口北韃靼各部屢降屢叛帝數次親征後又親征韃靼阿

魯台至荅蘭納木兒河不見敵而還時帝已有疾回至榆木川疾

劇而崩論成祖果毅英明頗似太祖但寵信宦官置東廠使之偵

仁宗

刺外事明世宦豎之禍實帝啓之也太子高熾嗣位是為仁宗年

號洪熙性情仁恕恤刑罰免租稅多行善政在位一年而崩太子

宣宗

瞻基嗣位是為宣宗年號宣德在位十年而崩太子祁鎮嗣位是

英宗

為英宗年號正統帝年幼重用楊士奇楊榮楊溥三人皆賢臣

同心輔政天下治平人稱之為三楊後三人相繼而歿帝年已長

信任宦官王振振擅作威福朝臣有不順己者必設法陷害時瓦

刺也先大舉犯邊振勸帝親征諸臣諫阻不聽遂出居庸關至宣府今直隸宣化府人心皇皇軍無紀律及至大同今山西大同府眾益危懼始詔

班師行至土木師潰也先兵驟至圍御營帝不得出敵遂擁之去

振爲亂軍所殺羣臣死者五十餘人太后從于謙謀命郕王祁鈺

卽位年號景泰尊帝爲上皇以謙爲兵部尙書提督各營軍馬後

也先率兵犯京師宣言使大臣迎駕索金帛無算朝臣欲與議和

于謙曰也先貪而多詐勢不可和使彼不得逞其欲上皇自然歸

矣遂率諸將迎敵也先敗走也先本意欲以英宗挾制中國既見

中國已立君子謙又屢擊敗其兵遂遣使請和送同上皇帝使人

迎之入居南宮後帝有疾武清侯石亨與徐有貞曹吉祥太監以兵

中國

迎上皇於南宮遂復位改年號爲天順廢帝爲郕王諭景泰帝乃

英宗之弟本封郕王因英宗北巡太后立以爲帝在位七年被廢

是年殂論英宗先寵王振致有土木之禍幸賴于謙之功不至滅

亡得以返國復位後信任石亨等反怨于謙而殺之及崩太子見

深嗣位是爲憲宗年號成化寵信太監王直置西廠使直領之以

伺察外事直遂專權雖瑣屑之事亦置重法寃死者甚衆幸有彭

時商輅等諸賢臣極力贊襄不至於亂在位二十三年而崩太子

佑樞嗣位是爲孝宗年號弘治凡僧道有禪師真人等封號者皆

奪之番僧在國中者逐之又封贈故臣于謙所行之政多有可觀

在位十八年而崩太子厚照嗣位是爲武宗年號正德寵任太監

武宗

孝宗

憲宗

卷一

皇

世宗

穆宗

神宗

劉瑾殘害賢良國政日紊及崩無子羣臣議立憲宗之孫興獻王之子厚熹嗣位是為世宗年號嘉靖好方士常建醮於宮中信任嚴嵩殺忠臣夏言嵩權勢日盛其子世蕃與其黨趙文華鄒懋卿等皆為美官兵部員外楊繼盛劾嚴嵩父子奸邪罔止之罪詔杖繼盛一百後仍殺之嵩益無忌憚鬻官賣爵殺害忠良帝稍知其姦御史鄒應龍上疏論嵩父子諸不法事帝即免其官籍其家下其子世蕃於獄後殺之奸黨均皆黜謫嵩後貧窘乞食而死帝在位四十五年因服方士所獻丹藥有疾而崩裕王載屋嗣位是為穆宗年號隆慶即位初委任徐階諸臣以言得罪者皆召用之論方士罪罷醮齋及政令一切不便者在位六年而崩太子翊鈞嗣中國

卷一

望

位是為神宗年號萬曆即位時年尚幼冲以張居正為太師而倚任之論居正頗有才幹政治多有裨益但持法甚嚴事多自專有不順己者即置於法故人多怨之及居正卒申時行為政務求寬簡上下相安然法紀亦由是不振矣帝使天下開礦分遣內侍監監督以取其稅奸人遂乘機攘盜以取利良民被害者甚眾內侍所至貪索無厭又復連年水旱民不聊生鞑靼侵邊緬寇犯境甯夏叛亂倭本人亦攻陷朝鮮麗大清太祖高皇帝亦起兵於滿洲連歲用兵干戈不息帝惟深居宮中不理朝政寵愛鄭貴妃並其子常洵中外皆疑帝必將立為太子羣臣公議請帝立皇長子常洛帝不得已立之遂起妖書太子既立忽有投匿各文書於各衙署者大約言鄭貴妃

熹宗

必欲陷害太子更立常洵帝使搜捕作書之人終無實據有生員
傲生光者素不安分人疑伊所作捕到官司橫加拷掠生光誣服
遂磔於市然妖書棍擊有男子手持棗木棍闖入太子宮打傷內
實非生光作也棍擊監二人後被擒獲送刑部審問自供名姓
張差又故作瘋顛之狀又供是太監龐保劉成所使帝不欲連累
多人只將張差龐保劉成斬之於市或疑鄭貴妃主使然究無實
據也等疑案在位四十八年而崩太子常洛嗣位是為光宗年號泰

熹宗

昌即位時已有疾寺丞李可灼進紅丸一粒帝服之是夜崩在位
僅一月皇子由校嗣位是為熹宗年號天啟太監魏忠賢性殘刻
帝寵愛之使之提督東廠忠賢遂專權擅政與帝乳母客氏表裏

為奸殺忠臣楊漣左光斗周順昌等十餘人若崔呈秀等皆諂事
忠賢浙江巡撫潘汝楨請建忠賢生祠於是效尤者自京都至他
省皆為忠賢建祠稱之為九千歲監生陸萬齡請以忠賢配享孔

中國

卷一

器

子忠賢父配享啟聖公蓋以朝廷生殺黜陟皆出忠賢一人之手

故諂佞之徒其求媚若此時大清兵已取藩陽今關東奉天府遼陽關

東遼陽州等二十餘城論熹宗承萬歷泰昌之後固已政治日非凌以

衰替儻能行仁政或可望其振興乃寵幸宦豎蠹國害民遂基滅

亡之禍雖懷宗之孜孜求治已不可救藥矣在位七年崩遺詔以

其弟信王由校嗣位是為懷宗年號崇禎殺魏忠賢客氏崔呈秀

等盡改天啟弊政節省仁明勵精圖治無奈各省連年荒旱流賊

李自成張獻忠等擾亂天下在位十七年自成直犯京師太監杜

勳開城迎降京師遂陷帝在萬歲山自縊而崩明亡

懷宗

第二十五段論大清紀畧○大清發祥於長白山國號滿洲姓愛

耶
每
後
一
千
年

順治

耶
每
後
一
千
年

新覺羅至肇祖原皇帝大有智畧疆域漸擴傳與祖景祖景祖兄
 弟六人各築城分居稱為甯古塔貝勒是為六祖國人尼堪外蘭
 叛降於明引明總兵李成梁侵掠邊城景祖與顯祖景祖第四子往救
 入城固守城陷俱被害太祖顯祖長子開變集眾往征尼堪外蘭當時
 國人皇皇皆有叛志即六祖之子孫亦有異心因太祖在外掠取
 其財物後太祖得勝攻克圖倫城與明講和明人執送尼堪外蘭
 斬之人心始安又戰勝北方九姓之國自此遠近攝服蒙古諸貝
 勒尊太祖為神武皇帝建元天命命儒臣以蒙古字改制國書創
 立滿文以歸附者日眾編三百人為一牛彖每牛彖設一牛彖額
 真即佐領五牛彖設一甲喇額真即參領五甲喇設一固山額真即都統

卷一

星

每固山額真左右設兩梅勒額真即副都統初設黃白藍紅四旗後又
 添設廂黃廂白廂藍廂紅四旗共八旗蒙古漢軍亦皆編為八旗
 起兵征明屢敗明兵攻取城邑太祖晏駕太宗文皇帝嗣位改元
 天聰後又改為崇德始定有天下之號曰大清蒙古諸貝勒皆率
 眾來降朝鮮國王亦上表稱臣又屢次征明攻陷松山錦州今盛京
 府等城國勢日疆而明勢日蹙矣太宗晏駕世祖章皇帝即位改
 元順治命睿親王多爾袞率師征明師至遼河時闖王李自成已
 陷京城崇禎帝自縊自成遂僭稱帝國號大順改元永昌遼東總
 兵吳三桂遣人奉書於睿親王請兵討自成睿親王復書許之遂
 進兵入山海關遇賊唐通之兵擊敗之自成率馬步兵二十餘萬

迎敵。王命諸軍齊進，大敗賊兵，追殺四十里。賊遁走燕京，獲駝馬緞疋無算。是日進吳三桂爵平西王，賜玉帶貂裘鞍馬等物。令山海關城內軍民皆薙髮，以馬步兵一萬隸平西王。隨攝政王趨燕京，追殺流賊，誓諭諸將官民，以取殘除暴，共享太平之意。賊棄燕京西遁，大軍追殺賊於望都，破賊於眞定，賊焚轎重走。燕京以北，居庸關內外各城及天津眞定等處皆降。攝政王以天子之禮葬崇禎帝后，遣甲喇章京顧納代等迎駕入燕京，遂定鼎焉。時有故明南京兵部尙書兼東閣大學士史可法等，在金陵奉崇禎帝之兄福王嗣帝位，改元宏光。攝政王致書於史可法，使其削號歸藩，而可法答書語不少屈，乃遣將征之。伊時福王荒於酒色，信任讒

中國

卷一

吳

佞，命可法督師揚州。大兵攻陷揚州，擒史可法，斬之。福王逃遁，大兵至南京，官民皆降，遂平定江南。改南京爲江南省，應天爲江甯府。又遣將入潼關，擊李自成，屢敗之。自成竄湖北，大兵水陸躡其後，窮追至賊老營，大破之。賊竄九宮山，在武昌府通山縣南九十里於山中徧

索自成，不得。有降卒言自成攜步卒二十人爲村民所困，自縊死。

屍臭莫辨。從此流寇蕩平。諭禮部布告京城內直隸各省，皆薙髮限旬日。盡行薙完，不遵者殺無赦。至順治七年，攝政王薨，上親政。

御太和殿，赦天下。時又有故明宗室唐王桂王者，相繼稱帝，皆討

平之。在位十八年崩。聖祖仁皇帝世祖第四子嗣位，改元康熙。伊

時雖有川湖等省餘寇，悉次第平定。暹羅國遣使入貢，土魯番鄂

羅斯亦遠餽方物，至康熙十二年，吳三桂以所部之兵反，先是三桂率兵由川省往貴州討賊渠李定國，又追斬故明桂王於緬甸，及川貴底平，命三桂駐鎮雲南，兼轄貴州，又有尙可喜駐鎮廣東，耿精忠駐鎮福建，當時謂之三藩，而三桂尤為彊盛，會因尙可喜上疏請撤藩還朝，三桂精忠亦皆上疏請撤藩，上分遣大臣經理，徹藩事宜，而三桂恐失兵權，實無撤藩之心，殺雲南巡撫朱國治，偽稱天下都招討兵馬大元帥，以明年為周王元年，改元昭武，鑄錢曰利用通寶，貴州提督李本深叛應之，靖南王耿精忠、四川巡撫羅森、廣西提督馬雄等相繼叛亂，惟平南王尙可喜克守臣節，屢次派兵助大兵討賊，後可喜有疾，其子尙之信以所部之兵反。

中國

卷一

聖

可喜聞之，憂憤而卒，伊時雲貴川廣閩湖以及陝甘等處，均皆變動，止先後遣安親王岳樂、都統賴塔貝子章泰等率大兵征討，後吳三桂死，賊將馬寶等立三桂之孫吳世璠，賊勢漸衰，至康熙二十年，大兵攻克雲南，吳世璠自殺，戮其屍，傳首京師，他省亦陸續收復，提督施琅又攻克臺灣，今福建臺灣府海寇鄭克塽投降，詔封施琅靖海侯，世襲罔替，維時寇賊悉平，天下乂安，惟厄魯特噶爾丹率兵侵據口外居民，遣使諭之，不聽，遂親征，噶爾丹知聖駕親來，大驚，棄廬帳器械逃去，上命領侍衛內大臣馬思喀追剿，俘獲無算，噶爾丹引數騎逃走，後窮蹙飲藥而死，上四次南巡，閱視河工，過曲阜拜孔子，在位六十二年而崩，世宗憲皇帝嗣位，聖祖第四子諱上允下禎

耶穌後一千七百二十三年

乾隆

耶穌後一千七百三十六年

嘉慶

耶穌後一千七百九十六年

道光

耶穌後一千八百二十一年
與英國交戰

改元雍正伊時宇內承平生民樂業雖有貴州狝苗廣西奸匪皆登時撲滅改直隸巡撫為總督頒發聖諭廣訓於各州縣學在位

十三年而崩高宗純皇帝嗣位世宗第四子諱上弘下曆改元乾隆寬厚仁慈

英明果斷收復西藏伊犁新疆諸處寰宇遠拓政教休明俄英日

三國皆遣使聘問遠餽方物焉在位六十年而內禪後三年而崩

仁宗睿皇帝嗣位改元嘉慶有白蓮教林清者初在山東一帶以

邪術惑人鄉愚無知之徒入其教者甚眾後遂浸淫於直隸河南

等處伊黨羽漸多遂圖謀不軌串通太監暗入禁城先約定日期

在皇城內外一時俱起為亂時宣宗尚為皇子以火鎗斃其渠魁

賊遂擾亂官軍合剿將賊黨撲滅淨盡在位二十五年而崩宣宗

卷一

哭

中國 成皇帝嗣位改元道光西番回民生亂官軍設謀將匪首張噶爾

擒獲解送至京斬之道光二十年因煙土起衅與英國交戰論煙

土乃印度行人所販賣也在耶穌後一千六百年英王立印度行

按年給照後此行興盛漸掌印度之權即命該國之人栽種罌粟

造成鴉片至一千八百三十四年英王裁撤此行即派大臣內皮

爾來華辦理通商事務該大臣攜國書至粵欲交廣守收納而廣

守以其入城太突且所投國書係平等書信遂擯而弗見此兩國

不睦之始也後廣守拿獲煙犯一名欲於英員寓前正法而英人

不許從此廣州人民鼓譟將欲擅殺英人經廣守彈壓始克安定

時帝派大臣林則徐至粵嚴禁販土之事則徐遂行文於英員欲

咸豐

耶穌後一千八百五十一年

與法起戰

將所有販到之煙箱交出，英員卽遍諭英商，將煙土二萬餘箱移交，則徐而則徐遂全行毀壞。英王聞有阻擋通商之事，卽派兵來華，數月間，攻陷廣州、廈門、甯波、上海、福州等城，又圍困南京。諸大員乃與英人議和，約定賠償英國洋銀二千一百萬元，又許在廣州、廈門、甯波、上海各海口通商。帝在位三十年而崩，文宗顯皇帝嗣位，改元咸豐。當時嚴禁鴉片，西國商船不敢近岸。中國販土之船，亦恐官差查拿，遂申謀於英人，假作英船，後果有被官兵查獲者。英人云：此犯宜歸英員究辦，華員妄拿，須謝罪焉。廣守釋其犯而不認其過，因此於咸豐七年，英法會兵來華，戰於廣州，官軍敗績。次年北至大沽，奪獲礮臺，諸大員乃與二國議和，按約內所議

中國

卷一

完

洪秀泉信節

傳教之人，華員須加保護，華人入教者亦不得禁止，且議定煙土與各貨稅例。至咸豐九年，英法欽使來華，欲定和約，船至大沽，官軍以礮擊之。二國整頓軍旅，次年復至大沽，乘勝前進，逼近京都。帝幸熱河，恭親王與二國立定和約，始各罷兵。時有洪秀泉自道光三十年，在廣西倡亂，按洪秀泉，粵東士人也，前於應考時，在廣州府得耶穌教聖經數本，爾時却未留心誦讀，後與其友馮雲三皆以教讀爲業，伊等因信主道，館內不設孔子之位，衆弟子不服，漸次散去。秀泉失館後，至廣州府城，親見牧師某，求領洗禮，牧師因未悉其爲人，不與施洗。時馮雲三傳教於粵西，秀泉往就之，會衆甚爲敬重，從此人數日增。秀泉遂假託天命，操兵練戰，率衆先

至平素逼迫教會之處肆行蹂躪又屢勝官軍奪獲城邑故私心
更高自號太平皇帝欲改革風俗不拜偶祭先專拜上帝從此由
兩廣而兩湖陷武昌自水路乘船過安徽攻金陵克之據爲都城
又分派逆黨四出攻掠當時雖甚猖獗後因羣逆意見不合不免
分爭互相吞噬時兩江總督曾國藩圍困南京秀泉憂恚而死逆
黨立其子至同治三年城破殺賊淨盡戮秀泉之尸其子不知所
終伊時中西業經和好中國購買西國之軍械又於廣州上海諸
處設立機器局以英人馬格里等監造以美人華爾等教演戰法
所戰皆克江蘇巡撫李鴻章克復蘇州湖州等城兩湖總督官文
平定湖廣等處髮逆蕩平帝在位十一年崩穆宗毅皇帝嗣位改

中國 卷一

辛

同治

耶蘇後一千八百六十二年

元同治帝冲齡踐祚太后垂簾與王大臣共理國政迎文宗之喪
於熱河誅肅順以正國法平滅髮逆又勦滅山東河南捻匪中國
一律肅清至同治九年天津府百姓訛言天主教人有剖心剜眼
諸惡跡遂聚眾生亂殺戮法國領事官焚燬教堂並殺男女教士
數人以及他國之人法人聞之大起戰心帝命曾國藩辦理此事
遂將天津府縣官發往新疆作亂匪徒等斬發有差始和好如初
至帝親政有泰西數國欽使入覲慶賀可知中外和睦彼此無嫌
矣在位十三年崩當今皇帝嗣位改元光緒帝醮親王之子穆宗
之弟也因穆宗無子奉皇太后懿旨入承大統時尙冲齡皇太后
仍臨朝聽政

光緒

耶蘇後一千八百七十五年

外附儒釋道三教說畧

第一段論儒教○儒者以孔子爲宗按孔子姓孔名某字仲尼其先宋人父叔梁紇爲魯鄒邑大夫母顏氏在耶穌先五百五十一年十一月庚子生於魯昌平鄉陬邑爲兒嬉戲嘗陳俎豆設禮容三歲父亡十九歲娶宋元官氏二十歲在魯爲委吏出入米粟會計悉當二十一歲爲乘田牛羊茁壯生育繁衍二十三歲母顏氏卒遵古禮葬之居喪三年其後道德顯明弟子益進至三十五歲因魯亂適齊爲高昭子家臣以通乎景公公欲封以尼谿之田嬰嬰阻之孔子行反乎魯年四十三歲而季氏強僭其臣陽虎作亂專政故孔子不仕而退脩詩書禮樂弟子彌眾至五十一歲魯定

中國

卷一

至

公以孔子爲中都宰一年四方則之遂爲司空又爲大司寇相定公會齊侯於夾谷齊人歸魯侵地年五十六攝行相事誅少正卯與聞國政三月而魯大治齊人饋女樂以沮之季桓子受之郊又不致膳肉於大夫孔子行遂適衛適宋適陳按孔子周流列國道大莫容年六十八而歸魯乃刪詩正樂序易象作春秋弟子蓋三千焉身通六藝者七十二人年七十三而終孔子生鯉字伯魚先卒伯魚生伋字子思作中庸後世之尊孔子者稱爲時中之聖焉至今春秋兩祭供奉木主題曰大成至聖先師孔夫子之神位在各國雖有望重德隆之人皆不能有此尊崇榮耀也詳言人事罕言神道窺其意一似不知有造天地萬物之眞主雖嘗謂國之興

衰道之行止。人之生死富貴貧賤皆由天命。究未實指有位公義良善獨一無二之眞主。養育保護賞罰萬人。後之私淑孔子者。惟孟子。試以孟子之事而畧言之。孟子姓孟名軻。字子輿。戰國時鄒人也。受業于思之門人父早喪。母仉氏居近屠肆。孟子幼嘗嬉戲其間。學爲屠人宰割之事。孟母曰。此非可以居子也。乃遷於郊。居近墳塋。又學爲埋葬哭泣之事。孟母曰。此亦非可以居子也。又遷於學宮之旁。乃學爲揖讓之禮。進退周旋之節。孟母曰。此可以教吾子矣。稍長。出就外傳。偶倦而還。孟母引刀自斷其機。孟子懼跪請問。母曰。子之學猶吾之織也。積線成寸。積寸成尺。積尺成丈。成疋。今爾學爲聖賢。乃厭倦而求歸。猶吾織布未成。而自斷其機也。

中國

卷一

聖

孟子感悟。乃能紹明聖學。皆母教也。此後歷遊齊梁。皆不能用。當是時。天下方務於合從連橫。以攻伐爲賢。而孟子乃述唐虞三代之德。是以所如不合。退而與萬章之徒。序詩書。述仲尼之意。作孟子七篇。韓子曰。孟軻師子思。而子思之學出於曾子。自孔子沒。獨孟軻氏之傳得其宗。故求觀聖人之道者。必自孟子始。孟子嘗言人之本性純善無惡。因私欲蒙蔽。以致陷入罪中。又嘗云。仁義之心存乎人。因旦旦而伐。遂與禽獸無異。按孟子只知良心內有善理。却不知人心本有惡根。與善理爲敵。犯罪之由。非徒從外來也。亦自內而生。○此後至秦始皇焚書坑儒。古聖先賢之道。殲滅殆盡。至漢代儒教復興。應傳至唐。尊崇文學。開科取士。至宋治教休

明文運昌啟當時之大儒尤多於前代按大儒中有朱夫子者名熹字晦菴謚文公得河南二程之學上而天文下而地理中而人事無不盡心研究然其抒發雖極繁博大概皆發明往聖所已言是猶孔子之述而不作孟子之私淑諸人也其言天地人物罔非一氣之鼓盪一理之充周而理不離氣氣不離理理氣者何陰陽而已獨陰不生孤陽不長自太初以至今日無二致也按其議論自以爲精深奧妙確實不易人若細心查考一切被造之物何者非眞主之確據朱夫子徒論夫虛空之氣無形之理惜其用心益深而眞理益晦矣自茲以來文人學士授受相承亦皆泥乎理氣之空談不講造物之眞主良可慨也○按孔孟之學代代相傳後

中國

卷一

五

之學者增益學問擷取功名皆本此道儻問孔孟之道於國人有何益處必云君臣行此道則君明臣良父子行此道則父慈子孝兄弟行此道則兄弟弟恭夫婦行此道則夫倡婦隨朋友行此道則彼此無欺然讀孔孟之書者多有於君臣父子夫妻昆弟朋友之間不能克盡其道者何也孔子曰性相近也習相遠也孟子曰人性之善也猶水之就下也假如人性本善孔孟之道或可使人改惡從善試觀歷代鑑書能盡人倫之道無可指摘者幾人哉足證人之私欲勝於天理往往有明知善之當爲反順私而爲惡沉溺罪中無底止矣可見世人失迷正途儻無上主之助上主之權斷難挽回也若論儒書雖係古聖先賢所著究竟出自人心非上

主之默示，故有與真理相合者，亦有與真理不合者，卽如諸先儒所言祭祀鬼神之禮，竟遺造物之眞主，又多論今生當爲之事，未論來生之賞罰，又言修善改過全憑己力，並未言有慈悲之主寬容人罪，引人行善，因儒教中無此數條要道，必俟上主之眞光降臨，照耀人心，此予之厚望也。

第二段論釋教。○釋教以佛爲宗，耶穌先大約六百年前，印度太子幼年慕道，不圖名位，國王以此爲憂，因選一美姝爲之配，又賜與諸色玩好，意在奪其志而易其心也，乃其心志甚堅，常想世間快樂，皆屬虛空，不過暫時而已，未能免去生前死後一切苦難，至三十歲，遠離皇宮，入山修道，先讀百拉滿經，未得其益，後終日靜

中國

卷一

書

坐，沉思默想，忽然悟得一理，言各等苦難俱出於無知，人若得著智慧，方可脫離苦難，於是在印度境內傳教四十年，死後諸門徒言其成佛，將佛之言行載於書籍，名曰佛經，論佛教所講輪迴之謬，實本於百拉滿教也，考佛經所載，細論佛在未生以前，何時爲獸，何時爲人，何時爲鳥，何時爲神，到成佛之時，一一皆記憶甚清，按佛教不知有賞善罰惡之眞主，惟憑自然之命運以定禍福，又言人生在苦海之中，若能修鍊成佛，卽得入寂滅之境，無生無死，無知無覺，無樂無憂，至耶穌後六十三年，漢明帝時，其教始入中華，漸漸興盛，卽君王公卿亦多有信奉者，中國早有祭神之禮，至此亦雜亂於佛教之中，論佛門弟子，大概因年幼多疾，或因家道

貧寒，父母情願獻於佛門，賴佛保護，其間或有通曉文字，明本教道理者，亦多有愚昧無知之輩，不明其理，只守浮規，按佛教雖言人當遠離邪惡，然未曾言及造萬物之真主，人當事奉敬拜，反引誘眾人拜一切邪神，行許多乖謬之事，正如耶穌所言，以譬引譬，必同陷於坑坎之中也。

第三段論道教。○道教以老子爲宗，耶穌先六百年，老子降生於周，姓李名耳，曾爲柱下史，勤學好古，著道德經五千言，歷遊諸國，考核衆理，其言道本活潑，爲萬物之原，善人死後，魂歸於道，昔孔子見老子，老子諷之曰：仕不如隱，行不如藏，譬如寶石不可輕露，後人妄言道與老子合而爲一道，卽老子，老子卽道者，誤矣。按

中國

卷一

蓋

老子論善人由道而生，後仍歸於道，人若不善，必受數世之苦。今日之道士，名曰玄門，或居於觀中，焚修禮拜，耕種香火田地，以餬其口，或雲遊四方，以化緣賣藥畫符念咒爲生，又有習於法術，拘神問鬼，妄斷事後之吉凶，鑄鼎鍊丹，冀得長生之快樂，在儒釋道三教，皆未指明真主，人人俱賴其生育，日日全藉其保護，末後亦必受其審判，是以中華之人，必俟主之眞光照耀，則幸甚矣，望之望之。

第二章論蒙古事略

按蒙古全地南接中國北連俄羅斯現今統屬於中國居民約二百萬之多地勢高而且平較海面高約三百丈少有樹木水泉自東北以至西南有大沙漠地名曰瀚海緣蒙古分四大地一曰內蒙古自邊牆至於瀚海二曰外蒙古由瀚海以北至於阿勒太山三曰青海四曰烏梁海其人俱分族分旗凡山林之處多有野獸居民俱養駝用以馱物畜養馬匹牛羊賴以養生而其人皆善馳馬從無顛仆者居處無屋宇皆支搭帳房可隨意移徙自耶穌後一千二百餘年佛教自西藏傳至其地名曰喇嘛教蒙古人多誠信遵守雖能稍改其兇惡之性終未能變為良善去其貪詐也其

蒙古

卷一

五

在各地均有喇嘛廟以磚石修造佛殿之中繪畫山水人物新奇景致中塑佛像時有人來此敬拜大概蒙古居民生有幼子多有許為喇嘛者而中國君臣亦深願其如此謂可免其生育衆多在土拉河邊庫倫之地約有三千喇嘛居住常有人自遠方來此拜佛各大廟俱有活佛即廟中之為首喇嘛也人皆誠心恭敬以其能知己往未來之事即中國皇帝亦甚優待此輩蓋藉彼以彈壓該處之百姓耳溯在成吉思可汗以先是地分為多國未成一統

論成吉思可汗事略○姓奇渥溫名鐵木真生於耶穌後一百六十二年其父也速該係部落之長管理本族之人及也速該卒鐵木真年甫十

鐵木真可汗

擊敗數十部

自立為可汗

屢敗金師

率兵西征

三心志甚壯，欲獨掌大權，無如屬下之部落未盡服從。鐵木真即備兵與戰，後退至喀拉庫倫城，欲得翁可汗之保護。於是翁汗妻之以女，並立為統帥。鐵木真即藉此攻敗附近數族之人。其後翁汗見鐵木真聲勢日大，遂生畏懼，暗遣人往刺之。鐵木真聞知此信，即率馬隊五千潛歸本地，招集大兵，返攻其岳父。於是大獲勝仗。翁汗逃竄，其所有之疆域統歸鐵木真之手矣。次年有數十部落共推乃蠻部長為首，協力攻擊鐵木真。蓋欲挫其威勢也。不料盡被其擊敗，殺戮乃蠻部長耶蘇。後一千二百六十六年，在翰難河之原大會諸部長，自立為成吉思可汗。按蒙古各族，其先咸臣服於金。為之進貢。彼時金主遣衛王允濟往靖州受鐵木真之貢。允濟蒙古

奇其狀貌，歸言於金主，請以事除之。金主不許。鐵木真聞而憾焉。及允濟嗣位，鐵木真遂率兵侵掠金西北之境，屢敗金師。其勢愈盛。金主無奈，與之議和。後金主以國蹙民弱，財用匱乏，難守中都。即燕京今直隸順天府乃遷都於汴。今河南開封府蒙古主聞之而怒，復圖南侵。遣兵攻克燕京。時有數部落違叛，成吉思急撤兵回國，攻敗違叛之人，幾至滅盡。後又率兵西征，莫不勢如破竹。有阿拉額丁穆罕麥德者，乃大有威權之君也。管理花刺子模國。耶蘇後一千二百九十九年，成吉思遣馬兵七十萬進入此國，擊敗穆罕麥德，奪獲撒麻耳干、不花刺二城，復分兵三路在國內肆行騷擾。後又戰勝波斯國，以及黑海、裏海中間多國，又入俄國。在法勒嘎、聶斯德兩河中

蒙古 卷一

備兵攻擊中國

擬定善律

烏泰西征獲勝

忽必烈滅宋得居帝位

瑪叩哀婁久居中國

世祖所轄之地

鐵木耳漸增威權

間之大地肆行擄掠耶蘇後一千二百二十四年成吉思因出師日久多有疲乏即召班師退至喀拉庫倫京城此時蒙古主雖已年邁仍存好勝之心更欲整頓軍馬攻擊中國不意未及中國邊境即得疾逝世論成吉思之為人殘暴已極其一生因伊殞命者約六百萬人然其可取之處能擬定善律重科奸盜淫邪等罪更命國人優待往來客旅復於各處設立驛站使遠近消息易通且所定律法極其森嚴是以行旅在路平安悉無驚懼○成吉思可汗之三子烏泰率兵攻擊四面仇敵大獲全勝又入歐羅巴洲在歐德耳多瑙兩河之東大地恣其殺擄其四子拖雷之子忽必烈在耶蘇後一千二百六十年統領大軍至中國北方攻敗金國又

蒙古

卷一

美

遣兵南征滅宋而居帝位國號大元是為世祖厚待有才藝之人又築橋修路開通運河使客商易於往來更好接待遠方之人欲周知四遠之事有以大利人瑪叩哀婁久居中國為世祖臣宰後旋本國即將中國事蹟著成一書西國之人因此始知中華之事叩倫布誦讀此書遂思乘船西行可抵中國邊界於是西班牙國王修書一函交叩倫布云若到中國入覲皇帝可代問安陳述和好之意按世祖所管土地東至高麗西至小亞西亞南至印度洋北至北冰洋伊古以來天下各國土地之大未有過於此者及元滅後蒙古大地分屬許多小國至鐵木耳之時復歸一統耶蘇後一千三百三十六年鐵木耳生於西域不花刺大地係成吉思可

攻敗北方各部

攻敗頭提米可汗

攻敗印度

攻敗伊及之屬地

汗之後裔也。年幼時曾寄居於岳家。其岳父乃不花刺地之族長。及年二十四歲時，有喀穆克人侵奪其地。其岳父逃走。鐵木耳不肯逃避，轉迎喀穆克人。伊等悅其相貌，即將其岳父所轄之地令其管理。未幾本地之人，因受喀穆克人之虐，鐵木耳遂約會胡西尼公爵備兵將喀穆克人毆逐境外。於是鐵木耳胡西尼分有此地。成爲二國。後二國興起戰事。鐵木耳獲勝而不花刺之地統歸其手。從此威勢大振。欲會合北方各部族長。奈均不聽從。遂起兵將各部攻敗。以後又有違叛。鐵木耳遣人以善言勸之。不料各部不聽。反殺其來使。鐵木耳大怒。又率兵往討。生擒二千人。以磚灰砌之。造成一臺。後又率兵渡底格里河。攻敗河西一帶之地。是時

蒙古

卷一

五

有頭提米可汗帶兵入不花刺國擾害。鐵木耳聞之。起卽督兵回國。將頭提米擊出界外。追過烏拉河。兩軍又戰。幾將敵兵滅盡。後又過底格里。戰勝河西欽地。又向北至法勒嘎河。復戰敗頭提米。從此西至聶伯河。北至摩斯叩城。皆爲其制伏。卽至撒兵回京。沿途遇敵。無不獲勝。耶穌後一千三百九十八年。鐵木耳率兵南攻印度。印度國王派數路軍迎敵。均被鐵木耳陸續擊敗。擄去者約有十萬。乃以俘囚過多。不易看守。遂盡殺之。嗣後在德勒亥城外。復與印度兵大戰。仍獲全勝。奪得城邑。又向干基斯河交戰。每戰皆克。後回撒麻耳干城。以擄得貨財修理京都。及次年。因伊及王曾助其仇敵。又曾殺其使者。遂率兵西征。將伊及所屬叙利亞大

攻敗土耳其

鐵木耳為人
如刺

地攻敗，所有堅固之城盡為所破，有土耳其國王巴扎色，自恃強盛，亦曾助其仇敵，以遏鐵木耳之權力，鐵木耳亦督軍往討，巴扎色王備兵迎敵，在安溝拉地，兩軍大戰，鐵木耳仍獲勝捷，不久小亞西亞全地，統為其所敗。看三卷十四章按鐵木耳久欲攻擊中國，是時即備兵東征，不意在營染患瘟疫而卒。時在耶穌後一千四百五年論鐵木耳之為人，雖有善戰之才，却有殘忍之性，可知土主假其手，用以懲治拜邪神行惡事之國也。鐵木耳卒後，其所治理之大國，仍分許多小國，及滿洲太祖興起，而蒙古各族之人，遂漸漸歸服中國矣。

蒙古

卷一

李

第三章論日本國事畧

地勢物產

日本國在高麗之東，中隔日本海，乃蝦夷本土四國九州四大島，並數千小島，合成此國也。各島多有山嶺並火山，按日本歷代史書，火山有騰烟發火之時，及大石鎔流濃汁，掩沒山下城村，有時地震，傾陷城邑屋宇，或平地開裂，將牲畜房舍陷於地中，有著名之山曰富士，約高一千五百丈，乘船者於日本四五百里之外，即見其巔，地土大都肥美，五穀豐茂，而果實遜於他國，河海所出之魚種類甚多，天氣和煖，頗愜人心。本土之南有內海焉，中多小島，島上青草敷榮，景足觀瞻。論日本人之來歷，考其國史，並未註明，現今居蝦夷島之苗人，約有二萬，名曰蝦夷土人，有人看此族景

次民來由

傳言繕成一書

神武天皇

崇神天皇

日本武尊

神功皇后

應神受封為神

中國文藝傳
日本

况以為即日本人之根源也。大概此族從亞西亞大洲移來，又有別族人自南踰海至其南界，此二族人彼此結親，族類淆亂，年久合成一族，遂稱日本人也。按日國極古傳言，在耶穌後七百一十年繕成一書，中論天地肇始，神人由來，日本人乃由神而生，又詳論日本首君神武天皇之事，言此帝勝過苗人，開擴疆土，修理國政，然若細為究考，多屬荒渺無憑。耶穌先九十七年至三十年，崇神天皇在位時，國人之粗莽性情漸為變易，此帝誠虔敬神，極力更正國人惡俗，有時瘟疫盛行，帝禁食沐浴，祈神解免，及瘟疫息止，帝備隆儀答謝神恩，又排造船隻，令遠近商賈興起，更為籌畫農事，從此農人在山地修台掘溝，引用山水，潤澤田園，如此開墾，遂將先時不毛之地，轉為豐美矣。此帝在位時，國人與苗人常有爭鬪，因是操演武事，精習戰法，嗣後景行天皇之子日本武尊，大有聲名，按日國典冊，言此人多有奇異戰事，殊難徵信，曾擊敗蝦夷土人，向東開闢地界，後有一著名女子，乃仲哀天皇之后，稱為神功皇后，天皇崩後，后即排造戰船，集兵往征高麗，時在耶穌後二百三年高麗國君無策禦敵，遂將金銀綢緞寶物獻納皇后，又將尊爵者八十人為質，后乃撤兵還國，後生一子，名曰應神，此子成立之後，大有善戰之名，卒後受封為神，至今國人謂其有護國之權，於多處建廟，香火不絕。耶穌後二百八十三年，有成衣人由高麗遷居日國，次年有高麗馬匹入日，高麗儒士王仁，約於是時亦至日國。

卷一

佛教傳述

以中國爲師
範

先年拜神之
禮

築室之法

衣服飲食

國家政事

民分二等

將文字訓誨皇帝之子，耶穌後四百六十二年，有人將桑樹帶至日國，蠶種想亦同時攜到，從此織造之事興焉。四百九十三年，有工匠至日，五百十二年，有文學之人至日，後十年有中國公使來觀日皇，五百五十二年，有醫生術士天文算學等人至日，居於日京，又有佛教之僧相繼而至，凡若此者，胥藉高麗國致令中國文字工藝與拜神之禮，克傳其國，以改其往時陋俗，計斯一千餘年，是日國師傳畢資中國也。今有遠客遊行其國，周覽各地景象，大畧隨從中國之風，然其舊習未盡滌除，致將嚮時之遺風，與新承之教化，相雜而行。按佛教未入日國之時，其拜神之禮，與儒教相類，大抵拜神之規，亦學從中國。先時並無廟宇，或於山上林中河畔，建立祭壇，敬拜山河風雨等神，有時地震及山上發火，水患疾風等災，卽驚恐戰懼，求神救護，又有如中國封人爲神之謬，所封者，或皇帝，或勇士，或有道德之人而已。其先築室之法，惟以木結構，或用樹枝，或蘆葦，或草簾，覆於其上，雖有門窗之孔，而無門扇窗櫺，遇陰雨時，但以粗蓆遮蔽，屋中均是土地，卽於其中堆聚木柴炊爨，所服之衣，或用獸皮，或樹皮，或草衣，所食之物，魚與禽獸之肉，或地中各種草木之芽，初數百年間，日皇欽定國律，自理國政，遇有戰事，率兵親征，後有尊爵者，數家興起，爭攬大權，皇帝則足食豐衣，尸居厥位而已。及佛教興盛之時，多有皇帝在位數年，退位爲僧，因此朝臣之權愈大，約在耶穌後八百年，國人區分二

藤原氏家

平氏家

平源二家爭權

清盛爲人霸道

賴朝侵佔京都

下關海腰戰

等一爲兵一爲農兵則食國餉精操演弓箭舞刀馳馬兼習文字暇時好歷險阻遊行遠方此輩心極權變不泥古制先時專習華文近今力求西國諸般學業因此近十數年日國景况蒸蒸日上論日國尊貴之家權勢最大者原屬藤原氏國中之高曾厚祿者皆出其家無如重文輕武惟欲安居公所行國之權不欲置身戎行經歷危險因此帶兵之員悉於別家拔選將帥中有諳勇善戰顯著聲名者以致別家勢燄盛興與藤原氏互爭國權平氏之家長忠盛在西南兩方大獲勝捷其子清盛亦顯著謀勇耶蘇後一千一百五十六年平源二家各願從本家選立皇帝因此爭論遂起干戈清盛獲勝卽由此家選立國君然國君但守厥位大權皆歸於清盛其家之人盡登顯秩又將已女與帝爲后其意乃欲代代皇帝均出其家也更將源氏所餘之人及凡與己爲敵者或殺戮或發往遠方歷數年因清盛殘忍強霸服從者日漸寒心源氏家長賴朝欲乘機攻擊平氏清盛聞之勃然震怒無奈身染重病不克迎敵至臨終時囑其胤子曰須斬賴朝之首懸我墓前也言畢身死嗣後賴朝領大隊精兵數次勝捷以致侵佔京都賴朝之弟義經率大兵追襲敵兵將伊等攻出福原公所又攻破屋島衛城乘勢追躡直抵下關海腰兩軍各備戰船奮勇交戰平氏兵雖極力拒敵無如勢已就衰源氏之兵倍增勇敢敵軍大敗或被殺或被擒或溺水餘皆逃散皇太后抱幼帝投水殞命自此無敢與

賴朝執權國權

賴朝逼迫其弟

時政奪攬國權

北條氏失去國權

賴朝對敵矣，息兵後賴朝居於鎌倉城治理國事，帝居都中徒據虛位，權則不屬也。賴朝求帝於其家，選立武職五人治理五省，帝許之。自是治國之權歸於武職，伊等胥以軍法理政，概用兵力服民。耶穌後一千一百八十年，賴朝來京陛見，帝優禮以待，盛筵飲宴，又採演士卒及各種武藝以快其心。論賴朝雖有善戰之勇，治國之才，惜因其弟義經有破敵之功，心甚嫉妒，當義經擊敗平氏之後，不容其回歸鎌倉。於是義經至京，賴朝遣兵欲殺之，義經又逃往他處，後被兵追獲，遂致憂忿自盡。迄今國人尊重其名，蝦夷土人敬奉為神也。賴朝卒後，其子賴家承其重任，不料其外祖時政為北條氏之長，定意抑制賴家，以增己權。賴家因國政為其外日本國

卷一

齋

祖所攬，遂於暇時縱情放蕩，時政却暗中欣幸，並不加以警勸。及年至二十有二，即逼其退位，隱遯廟中，後乃遣人勒殺之。此後一百五十年之久，國之大權統歸北條氏也。時政故後，其家之尊爵數人專攬國權，然皆治國有方，令國中文藝興盛，後有昏弱無德之輩，繼行國政，只知貪財慕榮，驕傲殘忍，雖皇帝之位，亦任意廢立。至終有源氏之家人新田義貞興起，欲滅北條氏，仍立廢帝後醍醐天皇為君，即聚大隊精兵攻破鎌倉城，焚燒房舍，北條氏之家人自盡者甚眾。於是後醍醐得回帝位，論佛教傳入日國，先在皇宮內有數人信從，耶穌後七百四十一年，皇帝降旨，著於每省建立二廟寶塔一座，此後數百年佛教遂

佛教大興

日蓮所立之門

真鸞所立之門

佛教不克改正人心

世祖命日皇納貢

派兵代印

佛教大興

大興於通國僧徒設妙法欲得民心，即云先年日本人所拜之神，係屬佛之顯應也。有弘法者，生於耶穌後七百四十四年，為博學有道之僧，創造日本字母四十八字，佛教愈興，分門愈多，遂乃彼此不睦。日蓮生於耶穌後一千二百二十二年，於佛教中別立一門，為人虔誦印度與中國傳至之佛經，盡心遵守教規，不准弟子娶妻飲酒茹葷，又多講符咒祛邪種種謬妄，更以毀謗之言指摘別門，謂其非佛教之人，又勤至各地傳道，信從者甚眾。至今此門興盛，大有權衡，惜其心多固執，專守本教之規，藐視他教也。同時又興起一門，乃真鸞，尚人所立，其訓誨弟子可以娶妻，不禁口腹，不遠出禮拜神佛，不隱遯，不持祛邪符咒虛文，此門亦稱興盛，在日本國

卷一

壹

多城建大寺院，引眾民拜佛，其弟子較別門多有文學善德，按佛教在日國一千餘年，克變國俗，剪除人心殘忍，多生惻隱之心，惟惜此教不訓人以敬畏真主，遵守天條，又未教人如何能勝私欲，絕外誘，成爲聖潔之人，並未指實來生果報，統而計之，佛教究屬缺而不全，邪而不正，由於人心所造，並非由神而來也。

蒙古人獲勝中國，易號大元，世祖恃其威權，遣使至日，命日皇稱臣納貢，日皇辱逼使臣令其旋國，世祖復命使臣九人同往，日皇並斬之。世祖又命公使至，亦梟其首。特在一千二百七十九年日皇料必興戰，即操兵備敵，一千二百八十一年，世祖派華達之兵十萬，高麗兵

七千，戰船三千五百艘，前往伐日，日皇亦整兵禦敵，奈日國戰船

小於中國接仗時中國兵或放箭或以石弩發石擊破日船沈沒水底日帥見水戰不利卽於海邊壘築土牆防敵登岸中兵上岸攻擊被日兵擊退多被擒獲不久狂風驟起中船自相撞破或觸礁石損壞或飄蕩遠方兵眾死有數萬屍身被風擁至海邊堆聚如墻其餘之兵佔據一島壘土爲牆以防日兵終爲日兵殲滅僅留三人回國報信以後中國並未興兵伐日

足稱高時謀
攬大權

新田義貞平滅北條氏復舉廢帝後醍醐天皇登位不料皇帝不優賞義貞之功只令其治理兩省之地且將富足之三省委源氏之家人足利高時治理高時心術不端暗謀專攬大權因藉貴妃垂眷多得帝心卽屢譏謗良臣又言太子護良心懷篡逆此言傳日本國

卷一

癸

至太子之耳十分震怒遂備兵欲攻擊讒臣不幸爲敵兵所擒後仍被殺未久帝心省悟識破逆臣奸計遂命義貞率師討之孰意逆臣權勢盛強轉將官軍擊散皇帝無策而逃飄流各處足利高時選舉新君登位時有忠良之臣仍欲保舊君復位於是興起惡戰按此戰歷五十年始息統計兩軍傷人無數百姓遇此兵凶兼以饑饉瘟疫等災苦不勝言義貞與其他良臣均死於戰陣耶穌後一千三百九十二年兩軍立約罷戰議定此後立君須於舊新二君之家輪選自是約二百年之久治國大權歸於足利氏矣伊

二百年之亂

時各家皆欲增長己權互相爭伐國中大亂佛教僧徒分門結黨各有輔助之家亦因是相爭以致各大寺院或築衛城而屯兵馬

全四

天主堂

信長奪獲國權

全四

天主堂

迫害佛教

秀吉奪獲國權

西人首先至

天主教始傳

或為武庫以儲軍械國中農商罔不失業學塾關閉幼年子弟習為不善遂致國人德行日即衰頹水陸各地多有賊寇騷擾兼有狂風地震水淹各災如是或上主垂警欲其祛邪歸正以順天心耶至終有帶兵大員信長謀勇兼備屢敗敵兵廢去足利氏之權天權盡歸於己因佛教之人曾偏助別家與己為敵遂深恨佛門欲行平滅在琵琶湖邊有極大之廟曰比叡山建於十三山谷之間其中殿宇祭壇居室約五百餘所有僧眾數千伊等花酒浪費肆無忌憚以為人皆敬其有奉佛重任無敢從而指摘者信長率兵將此大廟焚毀所有僧人搜殺盡淨此後又率兵至大坂城內圍困本願寺大廟其中僧人竭力護守被殺者約有數千至終僧徒將廟獻與信長散居別廟矣信長卒後有秀吉率大軍攻敗敵人天權歸己此人治國才優俾農商復盛無如其志過高欲以兵權制伏高麗並及中國令其臣服遂遣兵數十萬渡海抵高麗之境屢獲勝捷殺傷無算高麗王無策遂求中國救援及中國兵至與日兵交鋒數次其後日兵退回本國

日本國

卷一

全

耶穌後一千五百四十二年有葡萄牙人首先至日國人見其身帶火鎗遂以銀購之自此數十年之人西方商船多至日國貿易一千五百四十九年耶穌會中之著名神司撒腓爾倡始將天主教之道傳至日國隨即多有神司繼至以善術得民之心令人歸附繪鑄聖徒之像極佳作成十字架祭壇異常華美神司所服禮

天主教盛興

興起逼迫之由

秀吉逼迫天主教

家康逼迫天主教

衣所行禮節均足令人欣羨。有時舉行香會。旗幡鼓樂。觀聽俱新。時值敬守聖誕辰。備設盛筵。公同宴樂。其意蓋欲藉悅人耳目者。以得人心也。又多將佛教儀文混入天主教中。改佛廟而作聖堂。易神像而爲聖徒之像。如此乃卑屈己道。用能多得人耳。按國人多好憑空結想。心爲耳移。每遇新奇。輒從而轉徙。因此天主教至是勃興甚速。未幾傳至遠地。人之信從者。或在數省。有大員信奉是教。卽勒令本省百姓咸歸之。又爲平毀多處佛寺。神司欣悅。曉諭教中之人。當將廟宇祭壇偶像一律掃滅。前言信長深恨佛教。當其掌大權之時。助使天主教大興。而抑不佛教。一千五百八十三年。有少年尊爵者四人。崇奉天主教。乘船至羅馬城。遵服教皇之權。在日之神司。每好誇美教皇之權。高於各國君王。因此二故。國人多生疑慮。懼其有奪取國權之心。且衆神司多分門結黨。互生詛謗。殊失傳道規模。致招外教人譏諷。論西方諸國商人來日者。大都不守公正。多行不法。酒色爭殺。不一而足。又有誑購國內貧民。轉鬻他國爲奴者。因此數事。日人遂與神司西商結怨。欲將天主教逐出境外。不與西人往來。耶穌後一千五百八十七年。秀吉不令神司留於境內。而耶穌會神司將會堂關閉。不顯明傳道。仍暗引多人入教。後數年。有西班牙神司至日。明傳其教。秀吉又迫令速離其國。並將數處會堂焚毀。將神司九人與本國信教者十七人釘於十字架。一千六百十四年。家康將西國神司百餘人。

家光愈加逼

島原城戰事

家康奪獲大

國中尊爵之家

與本國神司教師數百人，以船載之放於國外。至次年，因秀吉之子秀賴接待耶穌會神司家康在大坂衛城圍困秀賴，兩軍大戰，至終秀賴大敗，死傷者數萬。一千六百二十四年，家光繼家康之位，封閉日國海口，嚴禁西人入國，惟與中德二國往來。本國奉天主教人，大遭逼迫，官長差人窮搜，用各等重刑處死多人。而教中人受此迫害，愈顯恆心，不肯貪生背道。耶穌後一千六百三十七年，在島原城有天主教人數萬背叛，被官軍圍困一舊衛城中，教人力拒兩月，終爲官軍攻破。此戰殺人三萬七千，中有數千被官軍帶至長崎海口小島之上，其島之一面乃懸崖峭立，卽將伊等從上擲下而死。自此無敢明言爲天主教人，而暗中猶有信從者。

日本國

卷一

壹

先時秀吉死後，有數大員爭權，惟德川氏之家人家康權勢盛強，因而諸大員併力攻之。兩軍在關之原交戰，家康大獲勝捷，殺死敵兵四萬。自此無人敢與爲敵矣。按家康不特治國才優，謀勇兼備，且能收拾敵人怨心，令通國悅服。選舉本家之人，管理富足之數省。於是二百年間，國中鮮動干戈也。歷代皇帝大都養尊處優，尸居厥位，國權咸歸大員之手。凡國中尊爵之家，其家長率治理大地一處，待其屬下儼若君臣，尊爵之人不可爲工商等事，惟可讀書講武。是以其中不乏學問之人。然逸居肆行，作種種不法者亦復不少。耶穌後一千六百年，家康以三十萬工人，建造江戶大城，爲己所居。卒後，有數大員陸續補修，屢加寬大。至今稱爲國中

第一大城也

改制之由

與美國立約通商

德川氏權勢衰弱

京都大戰

攻擊下關海

論曰國制度雖有百年權歸德川氏及耶穌後一千八百六十八年改其國制皇帝復掌大權論改制之故蓋有數端一國內有尊爵者數家嫉妒德川氏之權欲乘機奪之一自滿洲人得獲中原有中國博學人逃入日本而日國儒業益加興起有學識超眾者二人撰成日本史書詳論當年皇帝如何掌權以後如何權歸大員用是激動讀史者之心咸欲滅撤大員之權仍歸皇帝一耶穌後一千八百五十三年有一起美國礮船進入江戶海口其水師提督彼理欲與日國立約通商日國大員家貞冒為皇帝自稱大君命美國船隻速離日境美員不肯即離仍於海邊試水深淺日本國

卷一

至終立約准於數處海口通商日皇聞家貞自稱大君擅與西國立約心甚不懌國內人民多有手執器械欲助帝權將西國之人逐出境外從此帝權日增而德川氏之勢漸即衰微矣先時德川氏歷代大員皆命各尊爵家之長居於江戶城為其易防叛亂也此時帝立新相理政廢去以先制度准各尊爵家之長旋歸故處於是德川氏之勢益形衰敗耶穌後一千八百六十四年有多人各執兵戈由南省至京切求皇帝務將西人悉驅國外德川氏則求皇帝刑罰此等亂民帝即遣軍往勦在城中大戰二日毀傷官署廟宇市廛民房多處至終官軍將亂民攻出城外擒獲多人斬首示眾伊時有一起西國礮船攻擊下關海口礮傷日本多人因

對壘三月

德川氏失權

昌學西國諸
般學業

昌學西國諸
般學業

昌學西國諸
般學業

對壘三月

此番戰事更激動國人之心，必欲廢去德川氏之權，扶助皇帝，在南數省各尊爵之家，業早購有西國軍械，依照其法訓練士卒，於是齊集大兵與家茂大員交戰，對壘三月，將家茂之兵攻散，此大員自青年屢歷疆場，苦勞過甚，未幾病故，皇帝立慶喜爲德川氏之家長，至次年多有權位之人，勸慶喜辭其大任，慶喜從之，而德川氏之兵仍前護衛殿廷，致令別尊爵之家，猶虞國權不出德川氏家人之手，於是集兵守據宮門，欲廢去德川氏之職任，歸國權於皇帝，德川氏之家人大怒，慶喜率兵攻擊仇敵，於京城之外大戰三日，終是官軍獲勝，慶喜無奈，勉允承服帝權，後卽退居林下矣。國中之權貴多人，咸欲皇帝廢棄與西人所立之約，永絕往來。

日本國

卷一

三

然亦有人數年居於西國，洞悉其學術風化高出本國，卽勸皇帝無庸廢約，設能彼此相通，我國之學業經營，必將勃興也。又有多人將在西國見聞各事，集著成書，國中識字之人莫不欣誦，從此數年之間，舉國之人心丕變，咸願學習西國教化，耶穌後一千八百七十年，日皇裁撤各家世爵，命各家長將所有地土居宅職俸一律入官，下儕黎庶。○近十年來，國中城村多立男女義塾，又設大學院數處，延請西士，將天文地理格物醫病等學業，訓誨年少之人，又多有英年子弟往赴西國，習其各種文藝，國家現購火輪舟車與諸般省工機器，並修鐵路，安設電線，用印書盤印成新報，使國人廣博見聞，又有多人在各地宣傳耶穌聖道，感化人心，行

將人情事物道德文章日卽振興矣拭目俟之

第四章論印度國事略

古印度事跡

印度國在西瑪拉山之南界地土肥美天氣融和民數約二萬萬今時人鮮知古印度之事按古書所載言有一族苗人居是國內後被阿立岸人所勝論阿利岸人其先居裏海鹹海之東後有遷至印度北界山地者再後離此山地勝過印度苗人而印度全地悉爲其所據耶蘇先五百年波斯國王大來烏率兵至印度西北在數處獲勝後於印度國中廣收其稅耶蘇先三百二十六年希利尼王亞力山大率兵進入印度境內勝過哀魯一族印度人之君亞力山大歿後其國遂分所得印度之地仍歸印度人之手以印度國

卷一

圭

回教戰勝印度

蒙古君戰勝印度

阿克巴耳爲君

後約千餘年未成一統中分許多小國彼此互相爭伐至耶蘇後一千年回教得其國權於是印度受回教管理者有七百年之久耶蘇後一千三百九十七年印度德勒亥京城被蒙古勇敢之君鐵木耳掃滅自立爲印度皇帝卻仍回本國並未定立國制後百餘年鐵木耳後裔巴庇耳王又戰勝印度進入德勒亥京都執掌國權此帝卒後其子胡瑪運其孫阿克巴耳相繼接位在耶蘇後二千五百五十六年阿克巴耳於十二年中大展兵威將國內各路王侯盡行制伏從此遂成一統按此君不但有善戰之勇且有治國之才並於內地修橋開道其所定權量課稅俱協乎中因而國內商務興盛又建立書院文藝振興阿克巴耳歿後更有三帝

奧仍西庇爲君

衣八等第

印度貿易大行

本地兵連抗英制

本地兵連抗英制

印度土產

分八等第

繼續接位其末帝奧仍西庇爲人勇敢有權亦有治國之才惜其
 心懷奸詐殺其弟三人並囚其父而篡其位國勢雖有興盛景象
 無奈臣下心皆疑懼亦效其奸詐行爲及其歿後遂起戰爭國土
 分析○耶蘇後一千六百三年英人在印度設立貿易大行至一
 千六百四十年有本國之王將瑪德拉斯海口奉與英人掌管後
 孟買島亦歸行人之手行人僱募本地之兵與以西國軍械教其
 操練西國戰法至耶蘇後一千七百餘年印度漸分許多小國互
 有戰爭行人即用兵力助此而擊彼從此威勢日盛多處大地悉
 歸其手亦有時小國之王與行人交戰被其擊敗土地亦爲所并
 現今印度全地大概統屬英國轄制矣耶蘇後一千八百五十七

印度國

卷一

三

年本地之兵背叛不欲受英國之制論此背叛之由乃因英官發
 與各兵新製火器而火藥用紙包裹當下藥之時須以牙破之其
 包裹之處或抹以猪油或牛油爲其潔淨鎗筒也而兵中有回回
 教者則厭惡猪油本地教者則敬避牛油咸疑英官設法毀辱其
 教是以有此叛逆也遂於數處將英人男女老幼殺傷甚衆英王
 聞之急派兵往討二年之久有多處交戰終將此亂平定○論印
 度地廣民稠土田肥美出產富有類如棉絲蔗粟花等物所以
 英人商務異常鼎盛且多收課稅在印度古昔之時有分人等第
 之惡俗一等爲祭司名曰百拉滿人三等爲軍士三等爲農商四
 等爲僕人今下三等又分許多等次即如某事歸某等人辦理別

等之人絕不與焉。按印度人以百拉滿人是從百拉蘇神口中生出，其人之責，專習偉達經，以經中之道教人，又供獻祭物，且自負其為世人君長，下等之人均賴彼生活，且自以己口所出之咒詛能掃滅君王將士。按其傳言云，有一百拉滿人曾一次咒詛印德拉神，此神即從天墮下，附於貓身，再伊等不務工業，惟賴下等之人奉養，並自以能修煉身體，靜心思道，至命終時，靈魂必克超離身體，如飛鳥出林，直而上而歸於百拉蘇神也。第二等人是從百拉蘇神兩腋生出，須治理國政，保護百姓，奉養祭司，誦偉達經，供獻祭物。第三等人是從百拉蘇神兩股生出，須當牧養，作商賈耕種各事。第四等人是從百拉蘇神之足生出，此輩須服役上等，不論

印度國

卷一

七

才智若何，總不得移易卑賤之序。○論印度人所信之道，但遵自古所傳一部偉達經耳。查閱此經，即知其伊古以來，只以蒼天日月星辰，風雲雷雨，等等被造之物為神，所以獻祭拜神為是得神保護，令其五穀豐收，牲畜繁盛，人則消災延壽，能勝仇敵，國家太平。其經中有云，百拉蘇神生出天地萬物，又云百拉蘇神附於萬物之中，一如靈魂附於人身，有如儒書所言，鬼神體物而不遺也。迥異聖經之論真主，乃在萬物之上，萬物之外，萬物之先，斷不與萬物合而為一也。而印度人以人之靈魂與百拉蘇神係屬一體，譬若纖小火星與火體同，言人於生前所受之多般苦難，乃磨礪其性，若能持齋誦經，修身養性，克去汙穢，期望歿後仍歸百拉蘇

天主教傳至

耶穌教傳至

神如一滴水歸於大海也。否則來生必墮入畜類道中。遠離百拉
 蘇神。流於罪惡世界矣。百拉滿人自為十分潔淨。遂與下等之人
 疏遠。恐其沾染汙穢。現今印度人敬拜之神甚多。建修廟宇。塑成
 偶像。極尊之神。即百拉蘇神。為創造者。又有偉士努神。為保護者。
 西窪神。為滅絕者。○按傳言云。耶穌門徒多馬。將耶穌之道傳至
 印度。被害致死。自耶穌後一千五百年起。有天主教神司將道理
 傳至此國。而神可自言我等乃為白面之百拉滿人。蓋欲將真道
 與印度之道從權俯合。只為得人計耳。論耶穌教之道。先有和蘭
 國與蓮國人傳至印度。後有英美二國人來傳此教。按印度行人
 但存圖利之心。不欲印度人通曉真理。脫離邪教。所以多年攔阻
 印度國

卷一

三

傳教之事。邇來英國議院業經裁撤行人之權。已有多人傳揚耶
 蘇之道。印度之人信從者今已不少。並於各處多建書院學堂。使
 幼年子弟學習西國各等文藝。將見此國之人不日脫離以前之
 惡俗。悉歸正道也。何幸如之。

天主教傳至

耶穌教傳至

神如一滴水歸於大海也。否則來生必墮入畜類道中。遠離百拉
 蘇神。流於罪惡世界矣。百拉滿人自為十分潔淨。遂與下等之人
 疏遠。恐其沾染汙穢。現今印度人敬拜之神甚多。建修廟宇。塑成
 偶像。極尊之神。即百拉蘇神。為創造者。又有偉士努神。為保護者。
 西窪神。為滅絕者。○按傳言云。耶穌門徒多馬。將耶穌之道傳至
 印度。被害致死。自耶穌後一千五百年起。有天主教神司將道理
 傳至此國。而神可自言我等乃為白面之百拉滿人。蓋欲將真道
 與印度之道從權俯合。只為得人計耳。論耶穌教之道。先有和蘭
 國與蓮國人傳至印度。後有英美二國人來傳此教。按印度行人
 但存圖利之心。不欲印度人通曉真理。脫離邪教。所以多年攔阻
 印度國

